

## CONVENIO DE COLABORACIÓN ENTRE A AXENCIA DE TURISMO DE GALICIA E A ASOCIACIÓN DE CLUBES NÁUTICOS DE GALICIA - ASNAUGA PARA A XESTIÓN E A REALIZACIÓN DAS ACTIVIDADES PARA A PROMOCIÓN DA RUTA TRASLATIO, NO MARCO DO PLAN DE RECUPERACIÓN, TRANSFORMACIÓN E RESILIENCIA, FINANCIADO POLA UNIÓN EUROPEA-NEXTGENERATIONEU

Santiago de Compostela, 17 de maio de 2023

### REUNIDOS

Dunha parte, D<sup>ª</sup>. María Nava Castro Domínguez, directora da **Axencia de Turismo de Galicia**, en virtude do nomeamento efectuado polo Decreto 120/2020, do 10 de setembro (DOG núm. 185, do 11 de setembro), e conforme ás facultades que lle confire o apartado dous da disposición adicional segunda do Decreto 108/2022, do 16 de xuño, de estrutura orgánica dos órganos superiores e de dirección dependentes da Presidencia da Xunta de Galicia (DOG núm. 117, do 20 de xuño), que desconcentra na titular da Dirección da Axencia a competencia para subscribir convenios de colaboración no seu respectivo ámbito competencial, de acordo co previsto no artigo 15.2.c) dos estatutos da Axencia de Turismo de Galicia, aprobados polo Decreto 196/2012, do 27 de setembro (DOG núm. 193, do 9 de outubro).

E pola outra, D. Javier Ruíz de Cortázar Díaz, en calidade de Presidente da **Asociación de Clubes Náuticos de Galicia- en adiante ASNAUGA**, con CIF G-15916547, con domicilio social en R/ Ourense, 11, baixo, 15701, Santiago de Compostela (A Coruña).

As partes comparecen na representación que ostentan das súas respectivas institucións, recoñecéndose de modo recíproco capacidade para formalizar o presente convenio e, para ese efecto,

### EXPOÑEN

1. O 21 de xullo de 2020, o Consello Europeo adoptou as Conclusións sobre o Plan de Recuperación e o marco financeiro plurianual para 2021-2027. Estas medidas xuntan o marco financeiro plurianual (MFP) para 2021-2027, reforzando a posta en marcha dun Instrumento Europeo de Recuperación («Next Generation EU»), cuxo elemento central é o Mecanismo de Recuperación e Resiliencia, establecido polo Regulamento (UE) 2021/241 do Parlamento Europeo e do Consello, do 12 de febreiro de 2021.

A instrumentación da execución dos recursos financeiros do Fondo Europeo de Recuperación realizarase a través do Plan de Recuperación Transformación e Resiliencia, aprobado por Acordo do Consello de Ministros do 27 de abril de 2021, e de conformidade co establecido pola Decisión de Execución do Consello relativa a aprobación da avaliación do plan de recuperación e resiliencia de España (Council Implementing Decision - CID), do 13 de xullo de 2021.

O Goberno de España ditou a Real decreto-lei 36/2020, do 30 de decembro, polo que se aproban medidas urxentes para a modernización da Administración Pública e para a execución do Plan de Recuperación, Transformación e Resiliencia e as Ordes HFP/1030/2021, do 29 de setembro, pola que se configura o sistema de xestión do Plan de Recuperación, Transformación e Resiliencia e HFP/1031/2021, do 29 de setembro, pola que se establece o procedemento e formato da información para proporcionar polas Entidades do Sector Público Estatal, Autonómico e Local para o seguimento do cumprimento de fitos e obxectivos e de execución orzamentaria e contable das medidas dos compoñentes do Plan de Recuperación, Transformación e Resiliencia.

2. No Plan de Recuperación, Transformación e Resiliencia (PRTR), como parte do Compoñente 14, incluíuse a liña de investimento de Transformación do modelo turístico cara á sustentabilidade, que inclúe o Programa de Plans de Sustentabilidade Turística en Destinos como submedida 2 do investimento 1 (C14.I1), en tanto que mecanismo de actuación cooperada entre os tres niveles da Administración. Este programa financia proxectos cuxos créditos serán obxecto de territorialización.

Ademais, con base na Estratexia de Sustentabilidade Turística en Destinos, fixa as condicións de participación das comunidades autónomas e as entidades locais, os ámbitos de aplicación, os limiares mínimos de investimento, o procedemento de presentación das propostas e as regras para a súa aprobación, execución e xustificación.

Os Plans Territoriais elabóranse mediante un proceso participativo e de colaboración entre as tres administracións públicas competentes e os diferentes actores públicos e privados do ecosistema turístico do destino.

O obxectivo perseguido relativos á liña de investimento C14.I1 é implementar actuacións de impulso da sustentabilidade turística contempladas na submedida 2, os Plans de Sustentabilidade Turística en Destinos, na súa tripla vertente: ambiental, socioeconómica e territorial, a fin de beneficiar aos destinos turísticos, aos axentes sociais e aos operadores privados do sector.

3. O Real decreto 1073/2021, do 7 de decembro, polo que se regula a concesión directa de subvencións destinadas ao financiamento do Plan Nacional de Sustentabilidade Turística en Destinos Xacobeo 2021, no marco do Plan de Recuperación, Transformación e Resiliencia, no seu artigo 1 sinala que o seu obxecto é regular a concesión directa de subvencións con carácter excepcional e por razóns de interese público social e económico para a sustentabilidade turística no ámbito do Plan Nacional de Sustentabilidade Turística en Destinos Xacobeo 2021 no marco do Plan de Recuperación, Transformación e Resiliencia.

Atendendo ao carácter singular que se deriva das excepcionais circunstancias en que ha de realizarse a actividade subvencionada, e dado que concorren razóns de interese público que determinan a improcedencia da súa convocatoria pública, outorgaranse ao amparo do previsto no artigo 22.2.c) da Lei 38/2003, do 17 de novembro, xeral de subvencións, en relación co establecido nos apartados 2 e 3 do artigo 28 da devandita lei, e no artigo 67 do Regulamento da Lei 38/2003, do 17 de novembro, xeral de subvencións, aprobado polo Real decreto 887/2006, do 21 de xullo.

4. A Estratexia de Sustentabilidade Turística en Destino define o Plan Nacional como aquel que se articula sobre a chamada prioridade turística de país. A dita prioridade permite, en cada anualidade, o establecemento desde a Secretaría de Estado de Turismo (SETUR) de prioridades estratéxicas en materia de política nacional turística, de maneira que os fondos europeos poidan ter un impacto na oferta turística do país e o propio programa un fío condutor e unha coherencia global. No ano 2021 tivo lugar o Ano Santo Compostelán, que se estendeu ao seguinte ano debido á situación excepcional provocada pola pandemia, de modo que o Plan Nacional Xacobeo 2021- 2022 constituíu un acontecemento de excepcional interese público e momento de gran dinamización cultural, social e turística do Camiño. Ao longo de todos os Camiños de Santiago, son moitos os destinos turísticos urbanos, costeiros ou de interior que compoñen e dan forma ás experiencias turísticas que expón o Plan Nacional Xacobeo. O Plan Nacional Xacobeo 2021-2022 nace cunha forte vocación inclusiva, de modo que constitúe un punto de encontro de todos os Camiños, que non son máis que un reflexo da diversidade que define o Xacobeo e que converte este produto nun elemento vertebrador e cohesionador do territorio, desde o sur ao norte, de leste a oeste, desde a costa ao interior (mesmo desde as illas á península), no rural e no urbano. E o Camiño únenos con Europa, pois desde moi distintos puntos da xeografía europea póñense en marcha o peregrinos rumbo a España, a Santiago de Compostela, pero coa mirada posta en todos os territorios que cruzarán no seu transcurso.

O Plan Turístico Nacional Xacobeo 2021 – 2022 desenvólvese no marco do Plan de Recuperación, Transformación e Resiliencia do Goberno de España, un plan que ten como obxectivo aumentar a produtividade e o crecemento potencial do país, avanzando cara a unha España verde, dixital, inclusiva, con maior cohesión social e territorial e sen brechas de xénero. O PRTR constitúe a aposta española para vehicular as grandes transformacións que a nivel europeo prevense implementar cos fondos Next Generation EU e supón o exercicio de investimento público e de reformas máis ambicioso da recente historia económica de España e a maior oportunidade para o noso país desde a entrada na Unión Europea. No PRTR recóllese o Plan de Modernización e Competitividade do Sector Turístico (Compoñente 14), unha ambiciosa aposta de transformación do sector turístico cara á sustentabilidade ambiental, socioeconómica e territorial, así como tamén cara á

dixitalización e a competitividade dos nosos destinos. O Compoñente está organizado ao redor de 4 grandes eixos convertidos nos seus investimentos principais: 1. Transformación do modelo turístico cara á sustentabilidade. 2. Programa de dixitalización e intelixencia para destinos e sector turístico. 3. Estratexias de resiliencia turística para territorios extrapeninsulares. 4. Actuacións especiais no ámbito da competitividade.

5. Que a Comunidade Autónoma de Galicia, en virtude da competencia exclusiva en materia de turismo, atribuída polo artigo 27.21 do seu Estatuto de Autonomía, aprobado pola Lei orgánica do 6 de abril de 1981, desenvolveu, así mesmo no exercicio das súas competencias, diferentes actuacións coa finalidade de mellorar a situación turística das entidades locais promovendo plans, programas e normas para a modernización e adecuación da industria turística ás tendencias da demanda.

A Axencia de Turismo de Galicia é a entidade pública instrumental creada polo Decreto 196/2012, do 27 de setembro (DOG núm. 193, do 9 de outubro), como axencia pública autonómica, co obxectivo de impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade.

6. Que a Asociación de Clubes Náuticos de Galicia, é unha institución sen ánimo de lucro. Constitúese o 20 de febreiro de 2003, sendo a única asociación empresarial existente en Galicia representativa deste sector, rexistrada na Consellería de Economía, Emprego e Industria, implantada en toda Galicia, e formada por 31 entidades náuticas cuxo obxectivo é promocionar e comercializar o turismo náutico en Galicia.

A defensa e promoción dos clubs náuticos galegos, foi uns dos incentivos que motiva a creación da Asociación. Así mesmo, outro dos obxectivos de ASNAUGA, é axudar a potenciar o turismo náutico deportivo nas costas de Galicia, conscientes da súa singularidade, as inigualables características para as actividades náutico-deportivas que teñen as nosas rías e costas en xeral, promoveu e potenciou aplicación de certificacións medio ambientais e de calidade, contando na actualidade con:

- O 80 % das bandeiras azuis de Galicia
- O 92,31 % das certificacións "Q" de Calidade e 57,14% de España.
- O 100 % das certificacións EMAS de Galicia
- O 100 % das ISO 14001 de Galicia
- O 92,31 % das certificacións de Galicia calidade en portos deportivos

ASNAUGA ten entre os seus fins o de manter e fomentar, como creadores e prestadores de servizos de infraestruturas portuarias, un turismo de calidade e accesible que permita diversificar a oferta turística existente e favorecer o desenvolvemento estable do sector náutico e da economía galega, e de todo tipo de actividades deportivas relacionadas co mar e a súa formación especializada.

7. A revalorización das infraestruturas portuarias e a dotación de novos recursos aos concellos, portos deportivos e mariñas náuticas vinculados ao Roteiro Traslatio ou Roteiro Xacobeo marítimo-fluvial polo Mar de Arousa e o río Ulla é unha Actuación de Cohesión entre Destinos (ACD) presentada pola Comunidade Autónoma de Galicia coa que se pretende abordar diferentes accións encamiñadas a impulsar o turismo náutico e náutico-deportivo en Galicia e o turismo de peregrinación ao Camiño de Santiago, impulsando un turismo sustentable, eficiente e que implique ao territorio. Unha actuación que pode mellorar a rendibilidade do Roteiro Traslatio creando emprego e freando a perda de poboación en zonas rurais. Ademais, trátase dun produto turístico asociado a outros servizos como turismo cultural, turismo de natureza, ecoturismo, etc.

A peregrinación a Santiago é o percorrido espiritual e cultural máis profundamente vivido desde a Idade Media. Dispón do recoñecemento do Consello de Europa, que o designou Primeiro Itinerario Cultural Europeo.

O Roteiro Traslatio conmemora a chegada a Galicia, por mar, do corpo do Apóstolo Santiago o Maior, despois do seu martirio en Xerusalén; e está considerada a orixe dos roteiros xacobeos.

Esta intervención pretende ser unha actuación global de posta en valor do Roteiro que integra melloras na eficiencia e sustentabilidade das instalacións portuarias, a creación de novas infraestruturas como Centros de Interpretación do roteiro, a mellora das sendas naturais da contorna ou a dixitalización de recursos asociados, todo iso desde unha visión de complementariedade das outras ACD propostas por Galicia (relacionadas con sendas do litoral e a mellora do seu trazado, a rehabilitación de recursos emblemáticos do litoral galego ou o Roteiro dos Faros de Galicia) así como das actuacións específicas nesta materia que inclúen os Plans de Sustentabilidade Turística en Destino (PSTD) que presentan as Entidades Locais de Galicia ao Plan Territorial de Litoral 2021.

Esta Actuación de Cohesión entre Destinos resulta de suma relevancia dada a necesidade de renovar infraestruturas e dotar de novos usos turísticos aos portos deportivos e outras instalacións vinculadas coa actividade marítimo-náutica, xerando valor social e económico. Con máis de 1.500 quilómetros de costa en pleno Océano Atlántico e o Mar Cantábrico, as súas illas e illotes e recunchos espectaculares, Galicia converteuse nun destino cada vez máis atractivo para a práctica do turismo náutico. Na medida que, por exemplo, experimentou un aumento superior ao 40% nos tránsitos de embarcacións de recreo ao longo do lustro 2015-2019. As mariñas galegas evolucionaron desde os aproximadamente 7.500 tránsitos anuais durante o 2014 ata exceder a barreira dos 10.500 en 2019.

Galicia conta con excelentes condicións para o desenvolvemento de produtos turísticos náuticos, grazas á superficie costeira, ás posibilidades de navegación das rías durante todo o ano e á calidade dos portos deportivos, e sitúase cada vez máis como un mercado náutico en pleno crecemento, pero para ser máis competitivos e produtivos é necesario xogar en igualdade de condicións con outros países competidores.

Neste novo escenario, no que o turismo debe apostar por diversificación de produto e posta en valor dos propios destinos como polos de innovación turística, resulta fundamental desenvolver accións que contribúan a potenciar os recursos con potencial turístico, e que representen elementos de atracción para os destinos nos que se emprazan, con capacidade de crear emprego local e xerar riqueza na contorna.

Estas actuacións incrementarán a calidade da oferta turística xa que reforzan a capacidade de reclamo, dotando de novos atractivos ao territorio de actuación.

O territorio da área de influencia da Traslatio correspóndese coas grandes demarcacións que constitúen as Mancomunidades do Salnés e de Barbanza-Arousa.

A Mancomunidade do Salnés está formada por 9 concellos (Cambados, A Illa de Arousa, O Grove, Meaño, Meis, Ribadumia, Sanxenxo, Vilagarcía de Arousa e Vilanova de Arousa). Esta comarca é un destino turístico consolidado, que atrae ao visitante polo seu clima e pola súa paisaxe.

Pola súa banda, a Mancomunidade de municipios Barbanza-Arousa é unha entidade pública local de ámbito supramunicipal integrada por catro concellos (A Pobra do Caramiñal, Boiro, Rianxo e Ribeira), situados na zona norte da ría de Arousa. En 2002 a Mancomunidade fixa como obxectivo prioritario o turismo, implantando accións para consolidarse como destino turístico diferenciado e de calidade.

En total levaranse adiante actuacións en 11 entidades (mariñas ou clubs náuticos) de 7 concellos: Sanxenxo, O Grove, Vilanova de Arousa, Boiro, Ribeira, A Pobra do Caramiñal e Rianxo.

8. As actuacións específicas previstas neste Convenio, son definidas no Plan Territorial de Sustentabilidade Turística de Galicia e financiadas pola Unión Europea - NextGeneration EU, con cargo aos Fondos Europeos no marco do Plan de Recuperación, Transformación e Resiliencia —Compoñente 14— regulado no Regulamento (UE) 2021/241 do Parlamento Europeo e do Consello, do 12 de febreiro de 2021. Igualmente evidénciase a concorrencia de dificultades razoables para realizar a súa concesión por medio do procedemento ordinario de convocatoria pública concorrente, dada a previsión das entidades beneficiarias concretas e definidas.

Ao abeiro da Resolución do 23 de decembro de 2022 da Secretaría de Estado de Turismo, concedeuse á Comunidade Autónoma de Galicia unha subvención directa de OITO MILLÓNS TRESCENTOS NOVENTA MIL EUROS (8.390.000€) para a realización dunha serie de Actuacións de Cohesión entre Destinos (ACD), entre elas o “Proxecto integral de revalorización do roteiro Traslatio ou roteiro Xacobeo marítimofluvial polo mar de Arousa e o Río Ulla”, enmarcada no Plan Nacional de Sustentabilidade Turística en Destinos Xacobeo 2021, sendo ASNAUGA a única entidade existente en Galicia representativa deste sector que pode desenvolver dun xeito integral o mantemento dos servizos e infraestruturas náutico-portuarias de Galicia ao dispoñer das instalacións náuticas e as prazas de amarre, tendo entre os seus fins o de manter e fomentar os servizos de infraestruturas portuarias.

9. O Real decreto-lei 36/2020, do 30 de decembro, prevé unha serie de instrumentos xurídicos para a execución de proxectos con cargo aos Fondos Europeos, entre os cales están os convenios de colaboración. Configurándose, neste caso, como un convenio de entidade colaboradora para canalizar a xestión da subvención directa ás entidades beneficiarias a través da Asociación, a fin de dar cumprimento aos fitos e obxectivos contidos na Decisión de Execución do Consello relativa á aprobación da avaliación do plan de recuperación e resiliencia de España, así como o financiamento establecido para cada un deles.

O artigo 7.2 do citado Real decreto-lei 36/2020, do 30 de decembro, establece que “os convenios rexeranse polo establecido na Lei 40/2015, do 1 de outubro, de réxime xurídico do sector público”.

Pola súa banda, o artigo 48.7 da Lei 40/2015, do 1 de outubro, de réxime xurídico do sector público establece que “cando o convenio instrumente unha subvención deberá cumprir co previsto na Lei 38/2003, do 17 de novembro, xeral de subvencións, e na normativa autonómica de desenvolvemento que, no seu caso, resulte aplicable”.

Ambas as partes, por razóns de eficacia na xestión e co fin de acadar unha mellor prestación dos servizos aos beneficiarios do programa e, de conformidade cos artigos 9 e 13 da Lei

9/2007, do 13 de xuño, de subvencións de Galicia, acordan subscribir o presente convenio de acordo ás seguintes:

## CLÁUSULAS

### **Primeira. Obxecto da colaboración e natureza.**

O presente convenio ten por obxecto establecer o marco de colaboración entre a Axencia de Turismo de Galicia e a Asociación de Clubs Náuticos de Galicia - ASNAUGA para a xestión das axudas dos fondos destinados a revalorizar os activos turísticos vinculados ao Roteiro Traslatio, con accións de mellora da eficiencia das infraestruturas portuarias, rehabilitación de infraestruturas e a dixitalización de recursos para optimizar a experiencia do visitante náutico a Galicia.

A Asociación de Clubs Náuticos de Galicia - ASNAUGA é unha entidade colaboradora que cumpre cos requisitos establecidos no artigo 10 da Lei 9/2007, do 13 de xuño, de subvencións de Galicia.

A Asociación de Clubs Náuticos de Galicia é unha entidade sen ánimo de lucro, sendo a única entidade existente en Galicia representativa deste sector que pode desenvolver dun xeito integral o mantemento dos servizos e infraestruturas náutico-portuarias de Galicia ao dispoñer das instalacións náuticas e as prazas de amarre, tendo entre os seus fins o de manter e fomentar os servizos de infraestruturas portuarias. Do mesmo xeito, os portos asociados forman todos eles parte da Ruta Traslatio, sendo por tanto os únicos beneficiarios por estar situados nesta ruta de peregrinación que se retende potenciar cara aos afeccionados á náutica deportiva.

Ao abeiro da Resolución do 23 de decembro de 2022 da Secretaría de Estado de Turismo, concedeuse á Comunidade Autónoma de Galicia unha subvención directa para a realización dunha serie de Actuacións de Cohesión entre Destinos (ACD), entre elas o "Proxecto integral

de revalorización do roteiro Traslatio ou roteiro Xacobeo marítimofluvial polo mar de Arousa e o Río Ulla”, enmarcada no Plan Nacional de Sustentabilidade Turística en Destinos Xacobeo 2021, o que xustifica a urxencia e necesidade da tramitación desde convenio.

As subvencións obxecto desde convenio estarán sometidas ao Regulamento (UE) número 2021/241 do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia, así como a normativa interna aplicable á xestión, seguimento e control que se estableza para o Plan de Recuperación, Transformación e Resiliencia en España –Orde HFP/1030/2021, do 29 de setembro, a Orde HFP/1031/2021– e, en especial o Real decreto-lei 36/2020, do 30 de decembro, polo que se aproban medidas urxentes para a modernización da Administración Pública e para a execución do Plan de Recuperación, Transformación e Resiliencia, cuxa aplicación será de obrigado cumprimento, a Lei 6/2022, do 27 de decembro, de orzamentos xerais da Comunidade Autónoma de Galicia para o ano 2023, en relación coa execución orzamentaria e contable, xestión das actuacións e proxectos vinculados ao do Plan de Recuperación, Transformación e Resiliencia.

### **Adecuación a etiquetas climáticas**

As actuacións financiáveis cumprirán co indicado na etiquetaxe climática establecida, cumprindo co seguinte peso ou porcentaxe das seguintes etiquetas climáticas:

035 “Medidas de adaptación ao cambio climático e prevención e xestión de riscos relacionados co clima: inundacións (incluídas as accións de sensibilización, a protección civil, os sistemas e infraestruturas de xestión de catástrofes e os enfoques ecosistémicos)”, cunha contribución a obxectivos climáticos do 100%.

050 “Protección da natureza e a biodiversidade, patrimonio e recursos naturais, infraestruturas verdes e azuis”, cunha contribución a obxectivos climáticos do 40%.

### **Segunda. Criterios obxectivos de reparto.**

O reparto dos fondos atendeu á prioridade de potenciar a Ruta Traslatio entre todos os portos da ruta e o importe da subvención a cada entidade veu determinado polos seguintes criterios:

- 1.- Posuír a Certificación "Q" de calidade en portos deportivos.
- 2.- Dispoñer da marca Galicia Calidade nos portos deportivos e nas súas instalacións de restauración
- 3.- A conservación do medio mariño e a sustentabilidade ambiental, a través de dispoñer de certificacións nesta materia, como é o EMAS ou a ISO 14001 ou a Bandeira Azul.
- 4.\_ Naquelas instalacións que non dispón destas certificacións valórase o compromiso de acceder a elas no prazo dun a tres anos.
- 5.- Outros criterios: o labor social en favor da cidadanía desenvolvida polas instalacións, ben como formación náutica sen ánimo de lucro ou a celebración de eventos deportivos náuticos, a capacidade económica de cada instalación de fronte ao desenvolvemento das actuacións, potenciando aquelas onde non hai un interese de lucro ou non teñen unha gran capacidade económica ou investidora.
- 6.- O estado da instalación á hora de abordar os investimentos e actuacións.

De tal xeito concederáse a axuda a todos os portos que forman parte do Roteiro Traslatio e realizouse o reparto da axuda de acordo coas peticións de cada unha das empresas concesionarias que encaixaban no proxecto e eixos establecidos, de acordo cos seus requirimentos de mellora.

O reparto de fondos realizarase por un total de 1.341.300,92 € de acordo co establecido no anexo I do convenio.

### **Terceira. Custo das actuacións e gastos subvencionables.**

O custo das actuacións previstas no presente convenio cífrase en 1.363.500,21 euros.

A Axencia de Turismo de Galicia comprométese a liberar o crédito necesario para contribuír ao financiamento dos gastos derivados do desenvolvemento das actuacións recollidas do

antedito convenio, achegando un importe máximo dun millón trescentos sesenta e tres mil cincocentos euros con vinte e un céntimos (1.363.500,21 €) con cargo á aplicación 04.A2.761A.770.0, código de proxecto 2022 00001, dos orzamentos da Comunidade Autónoma para as anualidades 2023 e 2024, segundo o establecido no anexo I e de acordo coa seguinte distribución:

Ano 2023: 936.162,92 €

Ano 2024: 427.337,29 €

Do orzamento total a entidade colaboradora recibirá unha compensación económica polos gastos de xestión, seguimento e control das actividades que conforman o programa por importe de 22.199,29 euros coa seguinte distribución:

Ano 2023: 15.539,50 euros.

Ano 2024: 6.659,79 euros.

As actuacións contidas neste convenio financiaranse con fondos da Unión Europea - Next Generation EU polo Mecanismo de Recuperación e Resiliencia da Unión Europea, establecido no Regulamento (UE) 2021/241 do Parlamento Europeo e do Consello, do 12 de febreiro de 2021.

Entenderanse como gastos financiáveis todos aqueles que de maneira indubitada respondan á natureza da actividade, se destinen a alcanzar o obxectivo 217 mediante a realización de actividades e resulten estritamente necesarios e se realicen dentro do prazo establecido no presente convenio. Así mesmo considéranse custos financiáveis:

- a) As contratacións externas de enxeñería, seguimento e obra civil.
- b) Os contratos de compra de equipos, incluíndo equipamento tecnolóxico e equipos informáticos, relacionados coas actuacións financiáveis.
- c) A adquisición de licenzas de software de carácter especializado e destinado exclusivamente á actuación e que posibilite a utilización adecuada do equipamento adquirido.

d) As contratacións externas de consultoría, que leven a cabo dentro da actuación obxecto da subvención como parte dela. Os estudos de viabilidade e de enxeñería de detalle serán subvencionables sempre que sexan necesarios para a realización da actuación. Poderán realizarse con anterioridade á data de elixibilidade, pero nese caso, o seu custo non sería elixible.

e) As contratacións externas para traballos de asesoramento legal, notaría, asesoramento técnico ou financeiro contabilidade ou auditoría, se están directamente ligados ao proxecto e son necesarios para a súa preparación ou desenvolvemento, a condición de que fosen contemplados no orzamento.

Segundo o artigo 31.8 da *Lei 38/2003, de 17 de novembro, xeral de subvencións*, os tributos son gasto subvencionable cando o beneficiario da subvención os abona efectivamente. En ningún caso se consideran gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda.

Así mesmo, non se considerarán custos financiáveis:

- Autorizacións administrativas, licenzas, permisos, custo de avais e/ou fianzas e multas.
- Calquera gastos asociados a xestións, contratacións, consultas ou trámites administrativos, aínda sendo necesarios para a obtención de permisos ou licenzas.
- Seguros subscritos polo solicitante.
- A vixilancia e seguridade durante a execución da obra ata a data de posta en marcha.
- Calquera custos financeiros.
- Custos asociados a sancións penais, así como gastos de procedementos xudiciais.
- Licenzas destinadas a sistemas operativos e aplicacións ofimáticas.

Os gastos acreditaranse mediante facturas e demais documentos de valor probatorio equivalente, con validez no tráfico xurídico mercantil ou eficacia administrativa.

Os gastos subvencionables comprenden, en todo caso, os efectuados pola entidade colaboradora desde o 1 de xaneiro de 2023.

As entidades beneficiarias autorizan á comunidade autónoma a obter de forma directa, para os efectos do presente convenio, a acreditación de que a entidade se atopa ao corrente nas súas obrigacións tributarias coa AEAT, coa facenda autonómica e coa Seguridade Social.

#### **Cuarta.- Obrigas da Axencia de Turismo de Galicia.**

1.- A Axencia de Turismo de Galicia comprométese a liberar o crédito necesario para realizar o pagamento total do custo das actividades que compoñen o programa e a compensar os gastos en que incorra a entidade colaboradora ao abeiro do artigo 13.m) da Lei 9/2007, do 13 de xuño, de subvencións de Galicia.

A adxudicación das axudas ás entidades beneficiarias realizarase, mediante resolución da directora da Axencia Turismo de Galicia, de acordo co establecido na cláusula segunda. A adxudicación realizarase segundo o modelo anexo II ao abeiro do artigo 26 da Lei 9/2007, do 13 de xuño, de subvencións de Galicia xustificado no carácter singular e no interese público da potenciación da Rota Traslatio como promoción do turismo náutico de Galicia ligado ao fenómeno xacobeo, sendo beneficiarios todos os portos da ruta o que xustifica a dificultade de promover a súa convocatoria pública.

2.- A Comunidade Autónoma de Galicia deberá xustificar o cumprimento da finalidade para a que se concedeu a transferencia e a aplicación dos fondos percibidos ante a Secretaría de Estado de Turismo. Para iso, velará por que os proxectos adxudicados sexan executados conforme aos requisitos esixibles.

Igualmente, cumprirá as instrucións que tanto a Secretaría de Estado de Turismo como calquera órgano ou autoridade competente lles dirixa en aplicación de calquera normativa, tanto europea como nacional, que puidese aprobarse para a execución ou xestión tanto do Mecanismo Europeo de Recuperación como do PRTR.

3.-A Comunidade Autónoma de Galicia asume a responsabilidade en canto ao seguimento da execución contable dos gastos imputados a proxectos ou iniciativas do PRTR, de acordo co disposto no artigo 46 do Real decreto-lei 36/2020, do 30 de decembro. Ademais, asume as obrigacións de información e rexistro da consecución dos correspondentes fitos e obxectivos nos termos previstos no artigo 3 da Orde HFP/1030/2021, do 29 de setembro, así como o resto de obrigacións establecidas na Orde HFP/1031/2021, do 29 de setembro.

#### **Quinta.- Obrigas da entidade colaboradora.**

A entidade colaboradora, sen prexuízo do disposto no artigo 12 da Lei 9/2007, do 13 de xuño, de subvencións de Galicia, ten as seguintes obrigas:

1. Desenvolver as actuacións que forman parte da promoción da ruta Traslatio:
  - Fortalecer e mellorar a eficiencia dos portos polos que discorre a Traslatio
  - Crear novos recursos e servizos para potenciar o Roteiro Traslatio baixo as premisas da sustentabilidade e a eficiencia enerxética
  - Mellorar a sinalización do Roteiro e realizar intervencións de recuperación ambiental
  - Contribuír á sustentabilidade do territorio e á eficiencia dos seus recursos
  - Exercer un efecto tractor do Roteiro sobre a actividade do territorio
2. Ser a depositaria dos fondos para sufragar os custos de todas as actividades que conforman a promoción da ruta Traslatio, sen que en ningún caso estes fondos se consideren integrantes do seu patrimonio.
3. Executar as obras previstas no convenio.
4. Informar puntualmente da execución contable do programa, coa finalidade de realizar un seguimento continuo.
5. Reintegrar os fondos públicos no suposto de incumprimento dos requisitos e obrigas establecidas para a concesión da participación no programa e, en todo caso, nos supostos regulados no artigo 33 da Lei 9/2007, do 13 de xuño, de subvencións de Galicia.
6. Cumprir, en materia de protección de datos, co Regulamento (UE) nº 2016/678 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos,

coa Lei orgánica 3/2018, do 5 de decembro, de protección de datos persoais e garantía dos dereitos dixitais, e coas demais disposicións vixentes sobre a materia.

7. Dispoñer de libros e rexistros contables para facilitar a adecuada xustificación dos fondos e a comprobación das condicións establecidas.

8. Manter un sistema de contabilidade separado ou un código contable axeitado que facilite unha pista de auditoría apropiada en relación con todos os gastos correspondentes as actuacións realizadas.

9. Someterse ás actuacións de comprobación e control que deba efectuar a Axencia, ás de control financeiro que correspondan á Intervención Xeral da Comunidade Autónoma en relación coa compensación concedida, ás previstas na lexislación do Tribunal de Contas e do Consello de Contas, ás da autoridade de xestión, ás comprobacións do artigo 125 do Regulamento (UE) nº 1303/2013 do Consello e, de ser o caso, ás dos servizos financeiros da Comisión Europea e do Tribunal de Contas Europeo, e achegar canta información lles sexa requirida no exercicio das actuacións anteriores.

10. Cumprir cos requisitos e obrigas impostas pola Lei 9/2007, do 13 de xuño, de subvencións de Galicia e, particularmente, co disposto nos seus artigos 10 e 12, así como polo Decreto 11/2009, do 8 de xaneiro, polo que se aproba o Regulamento da Lei de subvencións de Galicia.

11. Poñer a disposición dos clubs Náuticos seleccionados as obras realizadas, que se incorporaran ao patrimonio destes.

Así mesmo obrigase a solicitar ás entidades beneficiarias a acreditación de que as entidades se atopan ao corrente nas súas obrigacións tributarias coa AEAT, coa facenda autonómica e coa Seguridade Social, no caso de que estas non presten a autorización prevista na cláusula terceira.

#### **Sexta. Compromisos asumidos en canto á execución do subproxecto do MRR.**

1.-De conformidade co disposto na Lei 6/2022, do 27 de decembro, de orzamentos xerais da Comunidade Autónoma de Galicia para o ano 2023, como no artigo 37.4 do Real decreto-lei 36/2020, do 30 de decembro, os ingresos percibidos pola Comunidade Autónoma de Galicia

para a execución do proxectos obxecto de financiamento, por estar incluídos dentro do ámbito do Plan de Recuperación, Transformación e Resiliencia queda legalmente afectados a financiar os devanditos proxectos, coa correlativa obrigación do reintegro total ou parcial dos devanditos ingresos en caso de non realizarse o gasto ou en caso de incumprimento total ou parcial dos obxectivos previstos.

2.-As actuacións para realizar polas entidades beneficiarias serán os recollidos na cláusula 3 e executaranse de conformidade cos fitos, obxectivos e a calendarización de cada proxecto/subproxecto definidos no Anexo I.

Así mesmo, correspóndelle:

- a) Executar as actuacións do programa e aplicar os fondos previstos no punto anterior aos gastos correspondentes á execución e desenvolvemento das actuacións previstas no presente convenio.
- b) Destinar o importe ás actuacións concretas de investimento a executar no prazo estipulado no Anexo I.
- c) Destinar os recursos humanos e materiais que sexan necesarios para cumprir os prazos de execución e maximizar os resultados perseguidos.
- d) Xustificar a realización do mesmo mediante da Axencia de Turismo de Galicia a documentación que se recolle no presente convenio (cláusula 10).
- e) Actuar mediante os principios de obxectividade, publicidade e transparencia na actuación administrativa.
- f) Cumprir as obrigacións dispostas no artigo 11 da Lei 9/2007, do 13 de xuño, de subvencións de Galicia.

Obriga de sometemento ás disposicións comunitarias sobre o Mecanismo de Recuperación e Resiliencia.

1. Con carácter xeral, son obrigacións das entidades beneficiarias e, no seu caso, da entidade colaboradora:

- a) Cumprir o obxectivo, realizar a actividade e adoptar o comportamento en que se fundamenta a concesión de subvención, na forma, condicións e prazo establecidos na respectiva resolución de concesión, achegando os datos cuantitativos necesarios para a correcta avaliación das actuacións á Secretaría de Estado de Turismo. Como entidades

executoras do subproxecto, serán as responsables de desagregar os fitos e obxectivos críticos e non críticos do proxecto nos fitos e obxectivos críticos e non críticos dos subproxectos, así como cumprilos e informar á Secretaría de Estado de Turismo dos seus avances. Corresponderá ao Ministerio de Industria, Comercio e Turismo, a través da Secretaría de Estado de Turismo, a validación da desagregación realizada. Ademais, haberán de cumprir os fitos e contribuír ao cumprimento dos obxectivos fixados no Plan de Recuperación de acordo co establecido no convenio.

b) Destinar os fondos percibidos ao obxecto concreto para o cal foron concedidos e realizar as actuacións que integran o proxecto, na forma, condicións e prazo establecidos no presente convenio, así como xustificar ante a Axencia de Turismo de Galicia o cumprimento da finalidade e o seu custo real.

c) A prevención, detección, comunicación, corrección e avaliación de risco de fraude, corrupción e conflito de interese e a formalización da Declaración de Ausencia de Conflito de Intereses (DACI) e a dispoñibilidade dun procedemento para abordar estes conflitos de intereses no marco do Regulamento (UE) 2021/241 do Parlamento Europeo e do Consello, do 12 de febreiro de 2021, e de acordo coas obrigacións da Orde HFP/1030/2021, do 29 de setembro.

A este respecto, as entidades beneficiarias e a entidade colaboradora deberán aplicar medidas antifraude eficaces e proporcionadas no seu ámbito de xestión, que serán incluídas no seu plan xeral de medidas anti-fraude na aplicación de fondos públicos.

En especial, tomarán as medidas para asegurar que non exista conflito de interese, incluíndo nos expedientes que se tramiten os informes ou declaracións responsables necesarias, segundo corresponda, e aplicando a normativa reguladora dos conflitos de interese en caso de detectalos.

d) Someterse ás actuacións de control e seguimento da aplicación dos fondos destinados ao proxecto mediante a verificación de documentos e á avaliación continua e final por parte da Axencia de Turismo de Galicia, así como ao seu control financeiro pola Consellería de Facenda da comunidade autónoma e o Tribunal de Cuentas e órganos estatais e europeos que teñan encomendado o control e seguimento dos fondos do Mecanismo de Recuperación e Resiliencia, en particular a Comisión Europea, o Tribunal de Contas Europeo, a Oficina

Europea de Loita contra a Fraude (OLAF) e a Fiscalía europea, que poderán acceder á información de detalle das actuacións realizadas.

e) Comprométense a remitir a Axencia de Turismo de Galicia toda información fose necesaria sobre xestión, execución e control de todas as actuacións que se realicen no marco do presente convenio.

f) A entidade colaboradora, en canto entidade executora, levará a cabo o indicado no artigo 8 da Orde HFP/1030/2021, en relación coa identificación do receptor final dos fondos, entidades beneficiarias das axudas, contratistas e subcontratistas e á achega desta información.

g) Mantemento dunha adecuada pista de auditoría das actuacións realizadas no marco deste convenio e a obrigaón de mantemento da documentación soporte. A subministración da información realizarase nos termos establecidos pola Orde HFP/1030/2021 e a Orde HFP/1031/2021, do 29 de setembro, do Ministerio de Facenda e Función Pública.

h) Custodiar e conservar toda a documentación orixinal, xustificativa da aplicación dos fondos recibidos, en tanto poidan ser obxecto das actividades de comprobación e control.

i) Deberán conservar, os documentos xustificativos, os datos estatísticos e demais documentación concernentes ao financiamento, así como os rexistros e documentos, en formato electrónico e por un período de cinco anos desde que se abonase o saldo da operación financeira, ou por un período de tres anos, cando o importe da subvención sexa inferior a 60.000 euros, nos termos previstos no artigo 132 do Regulamento (UE, Euratom) 2018/1046 do Parlamento Europeo e do Consello, do 18 de xullo.

j) A entidade colaboradora están obrigadas a crear en España todo o emprego necesario para a realización da actividade, que se realizará con persoal contratado e afiliado á Seguridade Social. O cumprimento deste requisito terá que xustificarse documentalmente.

k) A entidade colaboradora deberán cumprir coa normativa nacional e europea relativa á compatibilidade co réxime de axudas de Estado e prevención do dobre financiamento, de acordo co previsto no artigo 7 da Orde HFP 1030/2021, do 29 de setembro., conforme ao previsto na cláusula 13 do presente convenio.

l) Cumprir coas obrigacións de publicidade, medidas de difusión e comunicación, conforme ao previsto no artigo 9 da Orde HFP/1030/2021, do 29 de setembro, así como coa cláusula 11 do presente convenio.

m) A entidade colaboradora comprométese a incluír os datos e información que sexan pertinentes sobre as actuacións financiadas con fondos MRR e nos prazos que correspondan, no aplicativo que para ese efecto establecerá a administración competente.

2. En aplicación do principio de «non causar dano significativo» (principio «do no significant harm - DNSH»), de acordo co previsto no Plan de Recuperación, e polo Regulamento (UE) n.º 2021/241 do Parlamento Europeo e do Consello, do 12 de febreiro de 2021, respectarase a normativa ambiental aplicable, incluído o Regulamento (UE) 2020/852, do Parlamento Europeo e do Consello do 18 de xuño de 2020, relativo ao establecemento dun marco para facilitar os investimentos sostibles e polo que se modifica o Regulamento (UE) 2019/2088, así como a Guía Técnica da Comisión Europea (2021/ C 58/01) sobre a aplicación deste principio de «non causar dano significativo». Respectaranse os procedementos de avaliación ambiental, cando sexan de aplicación, conforme á lexislación vixente, así como outras avaliacións de repercusións que puidesen resultar de aplicación en virtude da lexislación ambiental.

Deberase achegar xustificación do cumprimento do principio DNSH mediante unha avaliación favorable de adecuación ao principio de DNSH, ou no seu caso, unha declaración responsable do seu cumprimento.

En todo caso, seguindo o disposto na Decisión de Execución do Consello, axústanse á Guía técnica sobre a aplicación do principio de DNSH, os criterios de subvencionabilidade incluídos no prego de condicións para as próximas convocatorias de proxectos excluírán as actividades que se enumeran a continuación: i) as actividades relacionadas cos combustibles fósiles, incluída a súa utilización ulterior; ii) as actividades no marco do réxime de comercio de dereitos de emisión da UE ( RCDE) en relación coas cales se prevexa que as emisións de gases de efecto invernadoiro que van provocar non se situarán por baixo dos parámetros de referencia pertinentes; iii) as actividades relacionadas con entulleiras de residuos, incineradoras e plantas de tratamento mecánico-biolóxico; e iv) as actividades nas

que a eliminación a longo prazo de residuos poida causar danos ao medio ambiente. O prego de condicións esixirá ademais que só poidan seleccionarse aquelas actividades que cumpran a lexislación ambiental nacional e da UE pertinente.

3. Pola demais normativa reguladora do Mecanismo de Recuperación e Resiliencia e pola normativa que a Comunidade Autónoma de Galicia e o Goberno de España aproben a este respecto, así como polas disposicións comunitarias sobre o Mecanismo de Recuperación e Resiliencia.

### **Actuacións que impliquen rehabilitación, equipamentos, infraestruturas.**

1.- Nas actuacións que implique rehabilitación, equipamentos e infraestruturas, deberanse ter en conta teranse as seguintes condicións específicas do DNSH:

- Para prevención e o control da contaminación: realizar unha avaliación de impacto ambiental de cada unha dos investimentos da medida de acordo coa Directiva da AIA e a normativa nacional de avaliación de impacto ambiental, e identificaranse e incluíranse no deseño de cada proxecto todas as medidas de mitigación necesarias para a prevención e o control da contaminación do chan e da auga.
- Os compoñentes e materiais de construción utilizados na construción non conterán amianto nin substancias moi preocupantes identificadas sobre a base da lista de substancias suxeitas a autorización que figura no anexo XIV do Regulamento (CE) 1907/2006 do Parlamento Europeo e do Consello.
- Os compoñentes e materiais de construción utilizados na construción que poidan entrar en contacto cos usuarios emitirán menos de 0,06 mg de formaldehído por m<sup>3</sup> de material ou compoñente e menos de 0,001 mg de compostos orgánicos volátiles canceríxenos de categorías 1A e 1 B por m<sup>3</sup> de material ou compoñente, previa proba de acordo con CEN / TS 16516 e ISO 16000-3 ou outras condicións de proba estandarizadas e métodos de determinación comparables. Ademais, adoptaranse medidas para reducir o ruído, o po e as emisións contaminantes durante a fase de obra e executaranse as actuacións asociadas a esta medida sempre cumprindo a normativa de aplicación vixente en canto a posible contaminación de chans e auga.»

- Para a prevención e o control da contaminación e protección e restauración da biodiversidade e os ecosistemas: Cando as actuacións de rehabilitación teñan lugar en áreas sensibles á biodiversidade (incluída a Rede Natura 2000 de áreas protexidas, sitios do Patrimonio Mundial da UNESCO e áreas clave para a biodiversidade, así como outras áreas protexidas) ou en áreas próximas, requirirase o cumprimento dos artigos 6 (3) e 12 da Directiva de hábitats e o artigo 5 da Directiva de aves. Ademais, cando sexa preceptivo, levará a cabo unha Avaliación de Impacto Ambiental (AIA) de acordo coa Directiva AIA.»
- Para mitigación do cambio climático: Na rehabilitación de edificios terase en consideración as directrices recollidas na Directiva (UE) 2018/844 relativa á eficacia enerxética dos edificios para que sexan edificios de consumo de enerxía case nulo, permitindo reducir de forma significativa o consumo de enerxía primaria non renovable.
- Para adaptación ao cambio climático: As medidas de rehabilitación permitirán contribuír á adaptación dos edificios ao cambio climático, adoptando as solucións de adaptación que sexan posibles no marco das opcións que permita a edificación existente e a súa protección no caso de que sexan edificios protexidos, como a utilización de cubertas vexetais, toldos, zonas de sombreado, etc.
- Para transición a unha economía circular:
  1. Polo menos o 70 % (en peso) dos residuos de construción e demolición non perigosos (excluído o material natural mencionado na categoría 17 05 04 na Lista europea de residuos establecida pola Decisión 2000/532 / EC) xerados, nas actuacións previstas neste investimento, será preparado para a súa reutilización, reciclaxe e recuperación doutros materiais, incluídas as operacións de recheo utilizando residuos para substituír outros materiais, de acordo coa xerarquía de residuos e o Protocolo de xestión de residuos de construción e demolición da UE.
  2. Os operadores limitarán a xeración de residuos nos procesos relacionados coa construción e demolición, de conformidade co Protocolo de xestión de residuos de construción e demolición da UE e tendo en conta as mellores técnicas dispoñibles e utilizando a demolición selectiva para permitir a eliminación e manipulación segura de substancias perigosas e facilitar a reutilización e reciclaxe de alta calidade mediante a eliminación selectiva de materiais, utilizando os sistemas de clasificación dispoñibles para residuos de construción e demolición.

3. Os deseños dos edificios e as técnicas de construción apoiarán a circularidade no referido á norma ISO 20887 para avaliar a capacidade de desmonte ou adaptabilidade dos edificios, como estes están deseñados para ser máis eficientes no uso dos recursos, adaptables, flexibles e desmontables para permitir a reutilización e a reciclaxe.

### **Sétima. Obrigas das entidades beneficiarias do convenio. Inexistencia de relación laboral.**

1. As entidades concesionarias dos portos que accedan aos fondos a que se refire o presente convenio non poderán estar incurso en ningunha das circunstancias determinadas no artigo 10 da Lei 9/2007, do 13 de xuño, como excluíntes do acceso á condición de beneficiario.

2.- A realización das actuacións previstas levarase a cabo mediante o plan de actuación regulado no convenio asinado entre a entidade colaboradora e cada un dos concesionarios beneficiarios das actuacións. Finalizadas as actuacións a entidade concesionaria acepta a cesión das ditas actuacións realizadas por Asnauga.

Do mesmo xeito entidade concesionaria comprométese á conservación, mantemento e reparación do executado ao abeiro deste convenio, de acordo co establecido nos acordos asinados entre os beneficiarios e a entidade colaboradora.

3. Ademais, as entidades comprométese a presentar unha declaración das axudas solicitadas ou recibidas para o mesmo obxecto ou concepto para que se solicitou esta subvención e se solicitou ou non, ou se recibiu ou non, algunha axuda de minimis e ao cumprimento das obrigas establecidas no artigo 11 da Lei 9/2007, do 13 de xuño.

A subscrición do presente convenio non implicará relación laboral ou de calquera outra natureza entre a Axencia de Turismo de Galicia e as persoas ou profesionais dependentes das entidades que desenvolvan as accións que constitúen o obxecto do mesmo, de tal xeito que, por este concepto, non se lle poderá esixir responsabilidade algunha directa nin subsidiaria.

### **Oitava. Entrega de fondos e compensación económica á entidade colaboradora.**

Asnauga, como entidade colaboradora, recibirá os fondos correspondentes cun anticipo de ata o 50% da subvención concedida e sen que se supere a anualidade prevista en cada exercicio orzamentario, excluídos os gastos correspondentes á compensación económica á entidade. A concesión do anticipo realizarase mediante resolución motivada.

Así mesmo, Asnauga recibirá unha compensación económica polos gastos de xestión, seguimento e control das actividades que conforman o programa por importe de 22.199,29 euros coa seguinte distribución:

Anualidade 2023: 15.539,50 euros.

Anualidade 2024: 6.659,79 euros.

Esta compensación económica está destinada a sufragar os custos derivados da execución (xestión, seguimento e control) do programa. Esta compensación non pode ser anticipada e abonarse previa xustificación dos traballos realizados, segundo o establecido na cláusula décimo primeira.

A entidades beneficiarias terán que cumprir as condicións de exención e os límites do artigo 3 do Regulamento (UE) nº 1407/2013, relativo á aplicación dos artigos 107 e 108 do Tratado de funcionamento da Unión Europea ás axudas de minimis. O importe total das axudas de minimis concedidas por un Estado membro a una única beneficiaria non excederá os 200.000 euros durante un período de tres exercicios fiscais consecutivos.

Esta compensación é incompatible con calquera axuda, subvención, ingreso ou recurso para o mesmo fin obxecto do convenio.

A entidade queda eximida da obriga de constitución de garantías aos efectos deste convenio, sen que sexa precisa a autorización prevista no artigo 67.4 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, de acordo co previsto no artigo 69.2 da Lei 9/2021, do 25 de febreiro, de simplificación administrativa e de apoio á reactivación económica de Galicia.

#### **Novena. Subcontratación.**

Poderán ser obxecto de subcontratación, total ou parcial, as actividades subvencionadas a través deste convenio, tendo en conta o disposto nesta cláusula e de acordo co establecido no artigo 27 da Lei 9/2007, do 13 de xuño, de subvencións de Galicia; así como á normativa en materia de axudas de Estado, así como ao establecido na Real decreto lei 36/2020, do 30 de decembro e na Ordes HFP 1030/2021 e HFP 1031/2021, do 29 de setembro.

En todo caso quedan fóra da subcontratación aqueles gastos nos que teña que incorrer a entidade para a realización por si mesma da actividade subvencionada.

A necesidade da subcontratación estará debidamente motivada pola entidade beneficiaria e, en ningún caso, suporá un aumento do custo da actividade subvencionada.

Os subcontratistas quedarán obrigados soamente ante a entidade, que asumirá a total responsabilidade da execución da actividade subvencionada fronte á administración. A asociación será a responsable de que na execución da actividade subvencionada concertada con terceiros se respecten os límites establecidos neste convenio en canto á natureza e contía dos gastos subvencionables e esixiranlles ás/aos subcontratistas os documentos acreditativos dos pagamentos correspondentes.

No caso de que subcontrate parte ou a totalidade da actividade obxecto haberá de prever os mecanismos para asegurar que os subcontratistas cumpran co principio de «non causar un prexuízo significativo ao medio ambiente».

As entidades subcontratadas deberán comprometerse a cumprir cos estándares máis esixentes en relación ás normas xurídicas, éticas e morais, adoptando as medidas necesarias para prever e detectar a fraude, a corrupción e os conflitos de intereses, así como a respectar os principios de economía circular e evitar impactos negativos significativos no medio ambiente («DNSH» polas súas siglas en inglés «do no significant harm») na execución das actuacións levadas a cabo no marco do devandito plan, así como a non incorrer en dobre financiamento e que, no seu caso, non lle conste risco de

incompatibilidade co réxime de axudas de Estado. Para estes efectos, o cumprimento nestes termos acreditarase mediante declaración da subcontrata correspondente.

### **Decima. Comisión de seguimento.**

1. Para o control e resolución de cantas cuestións suscítense ao redor da interpretación e aplicación da execución do presente convenio, quedará constituída a comisión de seguimento desde a firma do presente convenio e ditará as normas internas do seu funcionamento, debéndose reunir sempre que o solicite algunha das partes e, en todo caso, polo menos dúas veces ao ano.
2. A Comisión no seu funcionamento rexerase polo previsto no presente convenio e supletoriamente polo disposto na Sección Terceira do Capítulo II do Título Preliminar de Lei 40/2015, do 1 de outubro, de réxime xurídico do sector público.
3. A Comisión é paritaria e está integrada polos seguintes membros:
  - Dous representantes da Axencia de Turismo de Galicia.
  - Dous representantes de Asnauga.

Calquera cambio que se realice nas accións descritas, requirirá a conformidade e aprobación da Axencia de Turismo de Galicia para a súa realización.

4. As funcións asignadas á Comisión de Seguimento consistirán na vixilancia, control, seguimento e resolución de cantas cuestións se susciten ao redor da interpretación e aplicación da execución do presente convenio.

### **Décimo primeira.- Prazo e forma de xustificación.**

I. A entidade colaboradora xustificará ante a Axencia Turismo de Galicia a realización das actividades propostas no programa de promoción da Ruta Traslatio, para o que deberá remitir:

- 1) Memoria de actuación, xustificativa do cumprimento das condicións impostas na concesión da subvención, con indicación das actividades realizadas e dos resultados obtidos.
- 2) Unha memoria económica xustificativa do custo das actividades realizadas, que conterà:

- Unha relación clasificada dos gastos e inversións da actividade, con identificación do acredor e do documento, o seu importe, data de emisión e, no seu caso, data de pagamento.
  - Facturas ou documentos de valor probatorio equivalente no tráfico xurídico-mercantil ou con eficacia administrativa incorporados na relación á que se fai referencia no apartado anterior e a documentación acreditativa do pago. No caso de tratarse de gastos inferiores a 1.000 € poderá xustificarse o pagamento mediante recibo do provedor.
  - Unha relación detallada de outros ingresos ou subvencións que financien a actividade subvencionada con indicación do importe e a súa procedencia.
  - Os tres orzamentos que, en aplicación do artigo 29.3 da Lei de subvencións de Galicia, deba solicitar o beneficiario.
  - No seu caso, a carta de pago de reintegro no suposto de remanentes non aplicados así como dos intereses derivados de estes.
- 3) Certificación bancaria de titularidade da conta na que se deba realizar o pagamento.
  - 4) Detalle da documentación e soportes publicitarios nos que consten a colaboración da Xunta de Galicia e relativas ao financiamento do Mecanismo de Recuperación e Resiliencia.
  - 5) Documento acreditativo sobre as medidas de difusión adoptadas para xeral coñecemento do financiamento polo Estado no marco do Plan de Recuperación, Transformación e Resiliencia das actuacións obxecto da subvención.
  - 6) Documentos de declaracións responsables, atendendo ás disposicións normativas sobre o sistema de xestión e de información establecidas na Orde HFP/1030/2021, do 29 de setembro, e a Orde HFP/1031/2021, do 29 de setembro.

Por outro lado deberá xustificar que as entidades beneficiarias se atopan ao corrente no cumprimento das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración pública da Comunidade Autónoma, só no caso de que as entidades beneficiarias non autoricen á comunidade

autónoma a obter de forma directa a dita acreditación, así como unha declaración de cada beneficiario das axudas solicitadas ou recibidas para o mesmo obxecto ou concepto para que se solicitou esta subvención e de que se solicitou ou non, ou se recibiu ou non, algunha axuda de minimis.

Así mesmo, a entidade deberá presentar calquera outros informes ou documentos xustificativos que de acordo coa normativa europea ou nacional resulten esixibles no marco do Plan de Recuperación, Transformación e Resiliencia.

II. A contribución da Axencia de Turismo de Galicia minorarase proporcionalmente no caso de que non se xustifique o orzamento total que figura na cláusula segunda, sempre e cando se acade o obxecto deste convenio de colaboración.

Non obstante, non se entenderá incumplida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no orzamento estimado na cláusula segunda e no anexo I, cando obedezan a razóns xustificadas e as actuacións que se levaran a cabo garden relación directa co obxecto do presente convenio.

Calquera cambio que se realice nas acción descritas no Anexo I requirirá a conformidade e aprobación da Axencia de Turismo de Galicia para a súa realización.

III. A comunicación relativa á obtención doutras subvencións, axudas, ingresos ou recursos para a mesma finalidade, así como a modificación das circunstancias que fundamentasen a concesión da subvención, deberá efectuarse no momento no que se coñeza e, en todo caso, con anterioridade á xustificación da aplicación dada aos fondos percibidos.

Cando as actuacións obxecto do convenio fosen financiadas, ademais de coa subvención, con fondos propios ou doutras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas, de conformidade co establecido no artigo 28.6 da Lei 9/2007, do 13 de xuño, de subvencións de Galicia.

IV. Á vista desta documentación, o órgano competente da Axencia de Turismo de Galicia, expedirá certificación acreditativa do cumprimento dos fins obxecto do convenio e tramitará o seu pagamento.

Para estes efectos, considerarase gasto realizado o que foi efectivamente pagado con anterioridade á finalización do referido prazo de xustificación. Exceptúanse aqueles gastos cuxos pagamentos deban efectuarse nun momento posterior por axustarse aos calendarios de recadación, como os ingresos a conta do IRPF ou cotas por seguros sociais liquidables con posterioridade á data de xustificación. O importe destes ingresos ou cotas considerarase xustificado coa presentación do documento de gasto (factura ou documento equivalente) en que se reflecta o importe de retención ou cotizacións devindicadas na data de xustificación. A entidade beneficiaria quedará obrigada a presentar os documentos acreditativos da súa liquidación nos dez días seguintes ao remate dos prazos legalmente establecidos para o seu ingreso no período voluntario.

O importe correspondente ao IVE só poderá ser imputado ao convenio na contía que non sexa recuperada ou compensada pola entidade beneficiaria, o cal deberá ser acreditado por esta coa xustificación do convenio. A Axencia de Turismo de Galicia resérvase o dereito a solicitar toda a documentación que considere precisa en relación coa xustificación do convenio.

Nas subvencións de capital superiores a 60.000 euros, no seu cómputo individual, destinadas a investimentos en activos tanxibles, será requisito imprescindible a comprobación material do investimento polo órgano concedente, quedando constancia no expediente mediante acta de conformidade asinada, tanto polo representante da administración como polo beneficiario. A comprobación material de poderase encomendar a outro órgano distinto do que concedeu a subvención.

Ao abeiro deste convenio poderán financiarse os gastos nos que tivesen incorrido as entidades beneficiarias, a través da entidade colaboradora, como consecuencia da realización de actuacións acordadas co obxecto do convenio e que se teñan efectuado desde o **1 de xaneiro de 2023**.

O **prazo para presentar a documentación xustificativa** será ata o 1 de decembro de cada anualidade.

A documentación correspondente á xustificación presentárase de forma electrónica a través da sede electrónica da Xunta de Galicia (<http://sede.xunta.gal>).

V. O pagamento da compensación económica realizarase mediante transferencia bancaria á conta que indique a entidade, supeditado á presentación da memoria de actuación xustificativa do cumprimento das condicións impostas neste Convenio, con indicación das actividades realizadas e dos resultados obtidos. O **prazo para presentar a memoria xustificativa** será ata o 1 de decembro de cada anualidade.

#### **Décimo segunda. Publicidade e difusión.**

1. A entidade beneficiaria da axuda deberán cumprir coas seguintes obrigacións en materia de publicidade:

a) As relativas ao financiamento do Mecanismo de Recuperación e Resiliencia, conforme coa normativa europea e nacional que resulte aplicable segundo ao artigo 34.2 do Regulamento (UE) 2021/241 polo que se regula o MRR que establece que os perceptores de fondos da Unión farán mención da orixe deste financiamento e velarán por darlle visibilidade, incluído, cando cumpra, mediante o emblema da Unión e unha declaración de financiamento adecuado que indique «financiado pola Unión Europea - NextGenerationEU», en particular cando promovan as accións e os seus resultados, facilitando información coherente, efectiva e proporcionada dirixida a múltiples destinatarios, incluídos os medios de comunicación e o público e, especificamente, coas do artigo 9 da Orde HFP/1030/2021, do 29 de setembro.

b) Nas medidas de información e comunicación das actuacións que desenvolven os investimentos (carteis informativos, placas, publicacións impresas e electrónicas, material audiovisual, páxinas web, anuncios e insercións en prensa, certificados, etc.), deberánse incluír os seguintes logos:

1.º O emblema da Unión Europea.

2.º Xunto co emblema da Unión, incluírase o texto «Financiado pola Unión Europea- Next Generation EU».

3.º No enlace <https://www.miteco.gob.es/es/ministerio/recuperacion-transformacion-resiliencia/comunicacion/> pode descargarse o manual de comunicación para xestores e persoas beneficiarias dos fondos do Plan de recuperación, transformación e resiliencia.

c) Toda referencia en calquera medio de difusión sobre os investimentos aprobados deberá incluír que foron financiadas polo Ministerio de Industria, Comercio e Turismo e a Axencia de Turismo de Galicia.

d) Toda referencia en calquera medio de difusión sobre os investimentos aprobados deberá usar como medio de difusión o logo do Plan de Recuperación, dispoñible no link <http://planderecuperacion.gob.es/identidad-visual>.

2.- No seu caso, todos os carteis informativos e placas deberán colocarse nun lugar ben visible e de acceso ao público, e o texto deberá estar redactado nos idiomas oficiais da Comunidade Autónoma de Galicia.

### **Décimo terceira. Incumprimento e reintegro.**

A constatación de que a entidade colaboradora non utilizou a subvención da Axencia de Turismo de Galicia para o destino específico para o que se solicitou e concedeu, non realice a actuación que deu orixe á subvención, non xustifique a súa aplicación aos fins determinados para os que se interesou ou, en xeral, da existencia de calquera suposto de incumprimento das condicións que motivaron a concesión da subvención, a negativa para facilitar o labor de inspección e o non cumprimento das obrigacións atribuídas ás persoas beneficiarias, dará lugar previa audiencia ao interesado, á declaración de perda do dereito á percepción da subvención e, no seu caso, á obrigaón de reintegrar á Tesoureira Xeral autonómica as cantidades percibidas, máis os xuros legais que procedan, de conformidade e nos termos establecidos no artigo 33 da Lei 9/2007, do 13 de xuño, de subvencións de Galicia, e concordantes do Regulamento da Lei de subvencións de Galicia.

No caso de que se produza exceso das subvencións percibidas de distintas entidades públicas, a entidade deberá reintegrar o exceso xunto cos xuros de demora, nos termos que establece o artigo 23 do citado Regulamento.

De igual modo, de conformidade co Acordo da Conferencia Sectorial de Turismo, celebrada o día 21 de decembro de 2021, na que se aproban os criterios de repartición e distribución territorial de créditos destinados ao financiamento de actuacións de investimento por

parte de entidades locais no marco do Compoñente 14 Investimento 1 do Plan de Recuperación, Transformación e Resiliencia, conlevará a devolución total ou parcial das cantidades percibidas:

a) Non lograr, en todo ou en parte, os obxectivos previstos: reintegro polo menos cando o incumprimento impida o retorno de fondos europeos ao Tesouro e no importe do retorno non percibido en relación coas medidas da responsabilidade da Comunidade Autónoma.

b) Non poder acreditarse o logro dos obxectivos por falta de fiabilidade dos indicadores reportados: reintegro polo menos cando o incumprimento impida o retorno de fondos europeos ao Tesouro e no importe do retorno non percibido en relación coas medidas da responsabilidade da Comunidade Autónoma.

c) Calquera irregularidade que afecte a medidas baixo a súa responsabilidade determinada en calquera control desenvolvido por autoridades nacionais ou comunitarias que recaia sobre aquelas e que impida o retorno de fondos ao Tesouro: reintegro do importe do retorno non percibido en relación coas medidas da responsabilidade da Comunidade Autónoma.

d) Non utilización das cantidades recibidas para as medidas para as que se transferiron: reintegro de fondos ao Estado polo importe indebidamente utilizado.

2. Así mesmo, proceden o reintegro de fondos polas súas especiais condicións en caso de incumprimento do principio de «non causar prexuízo significativo», da etiquetaxe dixital ou ambiental ou das condicións recollidas na Decisión de Execución do Consello relativa á aprobación da avaliación do plan de recuperación e resiliencia de España e no Compoñente 14.

3. Cando o cumprimento polas entidades beneficiarias se aproxime de modo significativo ao cumprimento total, entendo por tal a adecuada satisfacción do obxectivo perseguido coa concesión da axuda, e se acredite pola entidade beneficiaria unha actuación inequivocamente tendente á satisfacción dos seus compromisos por atoparse en fase final de execución as actuacións obxecto da subvención, a cantidade para reintegrar virá determinada pola aplicación dos criterios enunciados na letra n) do apartado 3 do artigo 17 da Lei 38/2003, do 17 de novembro.

4. O órgano competente para esixir o reintegro da subvención concedida será a persoa titular da Axencia de Turismo de Galicia.

#### **Décimo cuarta. Compatibilidade con outras axudas ou subvencións e ausencia de dobre financiamento.**

Conforme ao establecido no artigo 9 do Regulamento (UE) 2021/241 do Parlamento Europeo e do Consello, do 12 de febreiro de 2021, a axuda concedida no marco do Mecanismo sumarase á proporcionada conforme a outros programas e instrumentos da Unión. As reformas e os proxectos de investimento poderán recibir axuda doutros programas e instrumentos da Unión sempre que a dita axuda non cubra o mesmo custo.

Terase así mesmo en conta o previsto no apartado 3 do artigo 7 da Orde HFP/1030/2021, do 29 de setembro. En consecuencia, as axudas deben respectar o principio de adicionalidade e a necesidade de establecer mecanismos que eviten o dobre financiamento, de maneira que os investimentos financiados con fondos do MRR poderán recibir axudas doutros programas e instrumentos da Unión, sempre que dita axuda non cubra o mesmo custo, e en todo caso de conformidade co disposto no Regulamento (UE, Euratom) 2018/1046, do Parlamento Europeo e do Consello, do 18 de xullo de 2018, sobre as normas financeiras aplicables ao Orzamento Xeral da Unión (Regulamento Financeiro). A estes efectos a entidade colaboradora recabará das entidades beneficiarias unha declaración responsable comprensiva das axudas solicitadas e concedidas para a mesma actividade.

#### **Décimo quinta. Análise de riscos de conflito de intereses.**

O presente procedemento de concesión de subvencións está suxeito a análise sistemática e automatizada do risco de conflito de interese prevista na disposición adicional centésima décima segunda da Lei 31/2022, de 23 de decembro, e na Orde HFP/55/2023, de 24 de xaneiro, relativa á análise sistemática do risco de conflito de interese nos procedementos que executan o Plan de Recuperación, Transformación e Resiliencia.

De acordo co establecido no artigo 7 da Orde HFP/55/2023, de 24 de xaneiro, o órgano de concesión de subvencións poderá solicitar aos solicitantes da axuda a información da súa titularidade real cando a AEAT non dispoña desa información e así o indicase mediante a correspondente bandeira negra, tendo en conta a análise realizada a través de MINERVA. Este suposto non implicará a suspensión automática do procedemento en curso, pero a dita

información deberá aportarse ao órgano de concesión de subvencións no prazo de 5 días hábiles desde que se formule a solicitude de información. A falta desta información no prazo sinalado será motivo de exclusión do procedemento.

Os datos, unha vez recibidos, serán adecuadamente custodiados de acordo co Regulamento (UE) 2016/679 do Parlamento Europeo e do Consello, de 27 de abril de 2016 (Regulamento xeral de protección de datos), e coa Lei Orgánica 3/2018, de 5 de decembro, de protección de datos persoais e garantía dos dereitos dixitais. A través do MINERVA, o responsable de operación levará a cabo un novo control ex ante do risco de conflito de interese, indicando, en lugar do solicitante da axuda, os titulares reais recuperados polo órgano de concesión de subvencións.

#### **Décimo sexta. Protección de datos.**

As partes asinantes están obrigadas, en materia de protección de datos, a cumprir co Regulamento (EU) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (regulamento xeral de protección de datos) e coa Lei orgánica 3/2018, do 5 de decembro, de protección de datos persoais e garantías de dereitos dixitais.

As citadas obrigacións subsistirán aínda despois de terminado o proxecto de referencia.

No presente convenio, será responsable do tratamento a Axencia de Turismo de Galicia nos termos establecidos na normativa referenciada e coas obrigacións e condicionamentos que a mesma establece.

#### **Décimo sétima. Extinción e resolución.**

1.- O convenio extinguirase polo cumprimento das actuacións que constitúen o seu obxecto ou por incorrer en causa de resolución.

2.-Serán causas de resolución do convenio:

- a) O transcurso do prazo de vixencia estipulado.
- b) O acordo unánime de todos os asinantes.

c) O incumprimento das obrigacións e compromisos asumidos por parte dalgún dos asinantes.

Neste caso, a outra parte poderá notificar á parte incumpridora un requirimento para que cumpra no prazo dun mes coas obrigacións ou compromisos que se consideran incumpridos. Este requirimento será comunicado á comisión de seguimento.

Se transcorrido o prazo indicado no requirimento persistise o incumprimento, a parte que o dirixiu notificará á outra parte asinante a concorrencia da causa de resolución e entenderase resolto o convenio.

d) Por decisión xudicial declaratoria da nulidade do convenio.

e) Por calquera outra causa distinta das anteriores prevista na normativa ou noutras leis.

4.- Con todo, se cando conorra calquera das causas de resolución do convenio existen actuacións que nese momento estean iniciadas, as partes, a proposta da Comisión de Seguimento do convenio, poderán acordar a súa continuación ata a súa completa terminación, xustificación e liquidación conforme ás cláusulas contidas no mesmo, conforme ao establecido no artigo 52.3 da Lei 40/2015, do 1 de outubro, de réxime xurídico do sector público.

5.- En caso de resolución do convenio por incumprimento total ou parcial das súas obrigacións por parte da entidade colaboradora, esta deberá reintegrar a Axencia de Turismo de Galicia as cantidades que percibise como achega económica.

#### **Décimo oitava. Publicidade e rexistro do convenio.**

En cumprimento do disposto no artigos 18 e 20.8 da Lei 38/2003, do 17 de novembro, xeral de subvencións (LXS en adiante) comunicarase a subscrición deste convenio á Base de Datos Nacional de Subvencións que opera como sistema nacional de publicidade de subvencións.

Segundo o artigo 17 da Lei 1/2016, do 18 de xaneiro, ademais da información que debe facerse pública segundo a normativa básica en materia de transparencia, a Axencia de Turismo de Galicia publicará o texto íntegro do convenio.

Así mesmo estarase ao disposto no artigo 15 da Lei 1/2016, do 18 de xaneiro, de transparencia e bo goberno, sobre as obrigas específicas de información sobre convenios.

Asemade, procederase á inscrición do convenio no Rexistro Público de Subvencións conforme ao establecido no artigo 16 da Lei 9/2007, do 13 de xuño, e no Decreto 132/2006, do 27 de xullo.

#### **Décimo novena. Natureza xurídica e xurisdición competente.**

Este convenio ten natureza administrativa, e queda fóra do ámbito da Lei 9/2017, do 8 de novembro, de contratos do sector público, que o exclúe expresamente no artigo 6.2.

Seralle de aplicación o réxime determinado pola Lei 9/2007, do 13 de xuño, de subvencións de Galicia; o Decreto 11/2009, do 8 de xaneiro que a desenvolve; os preceptos básicos da Lei 38/2003, do 17 de novembro, xeral de subvencións, e do Real decreto 887/2006 que a desenvolve; a Lei 1/2016, do 18 de xaneiro, de transparencia e bo goberno; a Lei 39/2015, do 1 de outubro, do procedemento administrativo común das administracións públicas; na Lei 40/2015, do 1 de outubro, de réxime xurídico do sector público, e polas demais normas de dereito administrativo aplicables e, no seu defecto, polas normas de dereito privado.

As controversias derivadas da aplicación ou interpretación do presente convenio serán resoltas en última instancia pola persoa titular da Dirección da Axencia de Turismo de Galicia, cuxas resolucións poñen fin a vía administrativa. Será competente a xurisdición contencioso-administrativa para resolver na vía xurisdiccional as citadas controversias.

#### **Vixésima. Vixencia.**

Este convenio entrará en vigor na data da súa sinatura e terá vixencia ata o 31 de decembro de 2024.

E, en proba de conformidade, as partes intervenientes asinan o presente convenio

Pola Axencia de Turismo de Galicia

Pola Asociación de Clubs Náuticos de Galicia

M<sup>a</sup> Nava Castro Domínguez

Javier Ruiz de Cortázar Díaz

## ANEXO I

Actuacións, o calendario de actuación de conformidade cos fitos e obxectivos e o orzamento desagregado, por anualidades.

ENTIDADE	ACTUACIÓNS	PRESUPOSTO	Ano 2023	Ano 2024
<b>RCN Sanxenxo</b>	Placas fotovoltaicas kw eficiencia enerxética	69.038,26 €	69.038,26 €	
	Substitución luminarias por led eficiencia enerxética	6.000,00 €	6.000,00 €	
	Videovixilancia e accesos (control e seguridade dos pantaláns de cara a tránsitos náuticos)	6.000,00 €	6.000,00 €	
	Conversión torretas de servizo intelixentes	11.711,74 €	11.711,74 €	
	Instalación e mellora wifi tránsitos	4.500,00 €	4.500,00 €	
	<b>TOTAL</b>	<b>97.250,00 €</b>	<b>97.250,00 €</b>	<b>0 €</b>
<b>Nauta Sanxenxo</b>	Reforma vestiarios	20.000,00 €	20.000,00 €	
	Mellora estrutura pantaláns e cambio madeira pantalán, mellora competitividade turismo náutico	20.227,49 €	20.227,49 €	
	Torres de recarga subministración eléctrica para turistas	31.350,00 €		31.350,00 €
	Torretas intelixentes	7.827,51 €	7.827,51 €	
	<b>TOTAL</b>	<b>79.405,00 €</b>	<b>48.055,00 €</b>	<b>31.350,00 €</b>
<b>C.N. dePortonovo</b>	Videovixilancia, accesos e inmótica (control e seguridade dos pantaláns e accesos de cara a tránsitos náuticos)	18.716,00 €	18.716,00 €	

	Pantalla exterior de información turística e de servizos	3.700,00 €		3.700,00 €
	Torretas intelixentes	26.500,00 €	26.500,00 €	
	Reforma de vestiarios para turistas e tránsitos náuticos	9.235,00 €	9.235,00 €	
	Mellora estrutura pantaláns e cambio madeira pantalán	55.144,80 €	46.144,80 €	9.000,00 €
	Punto limpo (sistema de selección de residuos urbanos- contedores de reciclaxe)	800,00 €	800,00 €	
	Peche lateral terraza superior (eficiencia enerxética)	5.330,00 €	5.330,00 €	
	Estación de mobilidade	30.000,00 €		30.000,00 €
	<b>TOTAL</b>	<b>149.425,80 €</b>	<b>106.725,80 €</b>	<b>42.700,00 €</b>
<b>C. N. de San Vicente</b>	Fotovoltaica KW	11.550,00 €	11.550,00 €	
	Placas térmicas (auga sanitaria para vestiarios tránsitos náuticos)	4.750,00 €	4.750,00 €	
	Reforma e mellora de recepción, vestiarios e instalación lavandería	29.800,00 €	29.800,00 €	
	Estruturas pantalán	14.500,00 €	14.500,00 €	
	Torretas intelixentes (servizo de enerxía para turismo náutico en pantaláns)	11.467,00 €	11.467,00 €	
	Instalación wifi tránsitos	3.000,00 €	3.000,00 €	
	Equipamento anticontaminación	2.600,00 €	2.600,00 €	
	<b>TOTAL</b>	<b>77.667,00 €</b>	<b>77.667,00 €</b>	<b>0 €</b>
<b>Vilanova (mariña Arousa)</b>	Placas fotovoltaicas (KW)	17.325,00 €		17.325,00 €
	Placas térmicas (auga sanitaria para	3.800,00 €		3.800,00 €

	vestiarios tránsitos náuticos)			
	Substitución luminarias led e cableado eléctrico	11.500,00 €	11.500,00 €	
	Videovixilancia e accesos	10.000,00 €	10.000,00 €	
	Torretas intelixentes	3.080,00 €	3.080,00 €	
	Renovación vestiarios	20.000,00 €	20.000,00 €	
	Rehabilitación edificio	15.000,00 €	15.000,00 €	
	Instalación de lavandería	1.800,00 €	1.800,00 €	
	Entrada porto: instalar peche novo e rampla cambiando a porta de entrada	54.500,00 €	39.500,00 €	15.000,00 €
	Estación de mobilidade na estación marítima	40.000,00 €		40.000,00 €
	<b>TOTAL</b>	<b>177.005,00 €</b>	<b>100.880,00 €</b>	<b>76.125,00 €</b>
<b>C.N. de Rianxo</b>	Fotovoltaica (KW)	8.662,50 €		8.662,50 €
	Placas térmicas (auga sanitaria para vestiarios tránsitos náuticos)	2.850,00 €		2.850,00 €
	Estruturas de pantaláns	104.000,00 €	50.000,00 €	54.000,00 €
	Wifi	3.000,00 €	3.000,00 €	
	<b>TOTAL</b>	<b>118.512,50 €</b>	<b>53.000,00 €</b>	<b>65.512,50 €</b>
<b>C. N. de Cabo de Cruz</b>	Placas fotovoltaicas (KW)	32.500,00 €		32.500,00 €
	Placas térmicas (auga sanitaria para vestiarios tránsitos náuticos)	5.700,00 €		5.700,00 €
	Construción de vestiarios para turistas e tránsitos náuticos	35.000,00 €	35.000,00 €	
	Construción de sala atención turistas e peregrinos náuticos	24.000,00 €		24.000,00€

	Construción recepción de tránsitos e turistas náuticos	10.000,00 €	10.000,00 €	
	Construción lavandería para servizo de turistas e tránsitos náuticos	2.000,00 €	2.000,00 €	
	Videovixilancia, accesos e inmótica (control e seguridade dos pantaláns e accesos de cara a tránsitos náuticos)	5.000,00 €	5.000,00 €	
	Wifi	3.000,00 €	3.000,00 €	
	<b>TOTAL</b>	<b>117.200,00 €</b>	<b>55.000,00 €</b>	<b>62.200,00 €</b>
<b>C. N. de Barraña</b>	Eficiencia enerxética placas solares (carril bici municipal) (KW)	6.900,00 €		6.900,00 €
	Placas térmicas (auga sanitaria para vestiarios tránsitos náuticos)	2.850,00 €		2.850,00 €
	Instalación farois led	1.700,00 €	1.700,00 €	
	Control de acceso e videocámaras	10.000,00 €	10.000,00 €	
	Torretas de servizo intelixentes	10.114,00 €	10.114,00 €	
	Chan sintético pantaláns	38.028,20 €	38.028,20 €	
	Vestiarios e oficina de atención ó público	87.000,00 €	62.000,00 €	25.000,00 €
	Wifi	2.500,00 €	2.500,00 €	
	Estación de mobilidade	40.000,00 €		40.000,00 €
	<b>TOTAL</b>	<b>199.092,20 €</b>	<b>124.342,20 €</b>	<b>74.750,00 €</b>
<b>Mariña A Pobra</b>	Chan sintético	27.579,00 €	27.579,00 €	
	Mellora estrutura pantaláns, pilotes, aros, elastómeros	34.654,40 €	14.654,40 €	20.000,00 €
	Renovación vestiarios para turistas e tránsitos náuticos	23.000,00 €	15.000,00 €	8.000,00 €
	Torretas de servizo intelixentes (servizo de	11.800,00 €	11.800,00 €	

	auga e enerxía para turismo náutico en pantaláns)			
	Wifi	3.000,00 €	3.000,00 €	
	<b>TOTAL</b>	<b>100.033,40 €</b>	<b>72.033,40 €</b>	<b>28.000,00 €</b>
<b>C.N. D. de Ribeira</b>	Placas fotovoltaicas (KW)	28.800,00 €	28.800,00 €	
	Sistema de recollida de augas sucias na mariña seca para estancias en seco de tránsitos e accesos	14.741,51 €	14.741,51 €	
	Renovación vestiarios	15.000,00 €	15.000,00 €	
	Estrutura pantalán, finger	23.250,15 €	23.250,15 €	
	Torretas intelixentes	37.023,34 €	37.023,34 €	
	Wifi	2.500,00 €	2.500,00 €	
	<b>TOTAL</b>	<b>121.315,00 €</b>	<b>121.315,00 €</b>	<b>0 €</b>
<b>C.N. da Toxa</b>	Placas fotovoltaicas (KW)	6.240,00 €		6.240,00 €
	Instalación placas térmicas	3.800,00 €		3.800,00 €
	Vestiarios e oficina de atención ó público	63.000,00 €	43.000,00 €	20.000,00 €
	Mellora estrutura pantaláns	4.430,00 €	4.430,00 €	
	Videovixilancia e accesos	10.000,00 €		10.000,00 €
	Torretas intelixentes	13.425,01 €	13.425,01 €	
	Wifi	3.500,00 €	3.500,00 €	
	<b>TOTAL</b>	<b>104.395,01 €</b>	<b>64.355,01 €</b>	<b>40.040,00 €</b>
<b>TOTAL</b>		<b>1.341.300,92 €</b>	<b>920.623,42 €</b>	<b>420.677,50 €</b>
<b>Gastos técnicos e de xestión</b>		<b>22.199,29 €</b>	<b>15.539,50 €</b>	<b>6.659,79 €</b>
<b>TOTAL FINAL</b>		<b>1.363.500,21 €</b>	<b>936.162,92 €</b>	<b>427.337,29 €</b>

## ANEXO II

Resolución de concesión directa de axudas xxxxxxxxxxxxxxxxxxxxxxxxxxxx

### ANTECEDENTES

**Primeiro.** A revalorización das infraestruturas portuarias e a dotación de novos recursos aos concellos, portos deportivos e mariñas náuticas vinculados ao Roteiro Traslatio ou Roteiro Xacobeo marítimo-fluvial polo Mar de Arousa e o río Ulla é unha Actuación de Cohesión entre Destinos (ACD) presentada pola Comunidade Autónoma de Galicia coa que se pretende abordar diferentes accións encamiñadas a impulsar o turismo náutico e náutico-deportivo en Galicia e o turismo de peregrinación ao Camiño de Santiago, impulsando un turismo sustentable, eficiente e que implique ao territorio. Unha actuación que pode mellorar a rendibilidade do Roteiro Traslatio creando emprego e freando a perda de poboación en zonas rurais. Ademais, trátase dun produto turístico asociado a outros servizos como turismo cultural, turismo de natureza, ecoturismo, etc.

A peregrinación a Santiago é o percorrido espiritual e cultural máis profundamente vivido desde a Idade Media. Dispón do recoñecemento do Consello de Europa, que o designou Primeiro Itinerario Cultural Europeo.

O Roteiro Traslatio conmemora a chegada a Galicia, por mar, do corpo do Apóstolo Santiago o Maior, despois do seu martirio en Xerusalén; e está considerada a orixe dos roteiros xacobeos.

Esta intervención pretende ser unha actuación global de posta en valor do Roteiro que integra melloras na eficiencia e sustentabilidade das instalacións portuarias, a creación de novas infraestruturas como Centros de Interpretación do roteiro, a mellora das sendas naturais da contorna ou a dixitalización de recursos asociados, todo iso desde unha visión de complementariedade das outras ACD propostas por Galicia (relacionadas con sendas do litoral e a mellora do seu trazado, a rehabilitación de recursos emblemáticos do litoral galego ou o Roteiro dos Faros de Galicia) así como das actuacións específicas nesta materia que inclúen os Plans de Sustentabilidade Turística en Destino (PSTD) que presentan as Entidades Locais de Galicia ao Plan Territorial de Litoral 2021.

**Segundo.** As actuacións específicas previstas neste Convenio, son definidas no Plan Territorial de Sustentabilidade Turística de Galicia e financiadas pola Unión Europea - NextGeneration EU, con cargo aos Fondos Europeos no marco do Plan de Recuperación, Transformación e Resiliencia –Compoñente 14– regulado no Regulamento (UE) 2021/241 do Parlamento Europeo e do Consello, do 12 de febreiro de 2021. Igualmente evidénciase a concorrencia de dificultades razoables para realizar a súa concesión por medio do procedemento ordinario de convocatoria pública concorrente, dada a previsión das entidades beneficiarias concretas e definidas.

O Real decreto 1073/2021, do 7 de decembro, polo que se regula a concesión directa de subvencións destinadas ao financiamento do Plan Nacional de Sustentabilidade Turística en Destinos Xacobeo 2021, no marco do Plan de Recuperación, Transformación e Resiliencia, no seu artigo 1 sinala que o seu obxecto é regular a concesión directa de subvencións con carácter excepcional e por razóns de interese público social e económico para a sustentabilidade turística no ámbito do Plan Nacional de Sustentabilidade Turística en Destinos Xacobeo 2021 no marco do Plan de Recuperación, Transformación e Resiliencia.

Ao abeiro da Resolución do 23 de decembro de 2022 da Secretaría de Estado de Turismo, concedeuse á Comunidade Autónoma de Galicia unha subvención directa para a realización dunha serie de Actuacións de Cohesión entre Destinos (ACD), entre elas o “Proxecto integral de revalorización do roteiro Traslatio ou roteiro Xacobeo marítimofluvial polo mar de Arousa e o Río Ulla”, enmarcada no Plan Nacional de Sustentabilidade Turística en Destinos Xacobeo 2021, sendo ASNAUGA a única entidade existente en Galicia representativa deste sector que pode desenvolver dun xeito integral o mantemento dos servizos e infraestruturas náutico-portuarias de Galicia ao dispoñer das instalacións náuticas e as prazas de amarre, tendo entre os seus fins o de manter e fomentar os servizos de infraestruturas portuarias.

Con data...asinouse o CONVENIO DE COLABORACIÓN ENTRE A AXENCIA DE TURISMO DE GALICIA E A ASOCIACIÓN DE CLUBES NÁUTICOS DE GALICIA - ASNAUGA PARA A XESTIÓN E A REALIZACIÓN DAS ACTIVIDADES PARA A PROMOCIÓN DA RUTA TRASLATIO, NO

## MARCO DO PLAN DE RECUPERACIÓN, TRANSFORMACIÓN E RESILIENCIA, FINANCIADO POLA UNIÓN EUROPEA-NEXTGENERATIONEU

### CONSIDERACIÓNS LEGAIS E TÉCNICAS

**Primeiro.** De conformidade coa cláusula cuarta do convenio, a adxudicación das axudas ás entidades beneficiarias realizarase mediante resolución da directora da Axencia Turismo de Galicia, de acordo co establecido na cláusula segunda. A adxudicación realizarase segundo o modelo anexo II ao abeiro do artigo 26 da Lei 9/2007, do 13 de xuño, de subvencións de Galicia xustificado no carácter singular e no interese público da potenciación da Rota Traslatio como promoción do turismo náutico de Galicia ligado ao fenómeno xacobeo, sendo beneficiarios todos os portos da ruta, o que xustifica a dificultade de promover a súa convocatoria pública.

**Segundo.** A concesión destas axudas realizarase de forma directa de conformidade co establecido no artigo 22.2 c) da Lei 38/2003, do 17 de novembro, xeral de subvencións, os artigos 19.4 c) e 26 da Lei 9/2007, do 13 de xuño, de subvencións de Galicia, e o artigo 40 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, ao acreditarse razóns de interese público, social, económico e humanitario que dificultan a súa convocatoria pública.

Vista a Lei 38/2003, do 17 de novembro, a Lei 9/2007, do 13 de xuño e o Decreto 11/2009, do 8 de xaneiro, e de conformidade coas competencias que me atribúe o 19 dos estatutos da Axencia de Turismo de Galicia, aprobados polo Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos,

### RESOLVO:

Primeiro. Obxecto, contía e entidades beneficiarias

Esta resolución ten por obxecto a concesión directa das axudas aos proxectos e entidades relacionadas no anexo I polas contías máximas reflectidas, destinadas a .....

Segundo. Crédito orzamentario

Estas axudas faranse efectivas con cargo á aplicación orzamentaria xxxxxxxxxxxxxxxxxxxx

Terceiro. Obrigas

1. As entidades non poderán estar incursas en ningunha das circunstancias determinadas no artigo 10 da Lei 9/2007, do 13 de xuño, como excluíntes do acceso á condición de beneficiario.

2. A realización das actuacións previstas levarase a cabo mediante o plan de actuación regulado no convenio asinado entre a entidade colaboradora e cada un dos concesionarios beneficiarios das actuacións. Finalizadas as actuacións a entidade concesionaria acepta a cesión das ditas actuacións realizadas por Asnauga.

Do mesmo xeito a entidade concesionaria comprométese á conservación, mantemento e reparación do executado ao abeiro deste convenio, de acordo co establecido nos acordos asinados entre os beneficiarios e a entidade colaboradora.

3. A crear en España todo o emprego necesario para a realización da actividade, que se realizará con persoal contratado e afiliado á Seguridade Social. O cumprimento deste requisito terá que xustificarse documentalmente.

4. A cumprir coa normativa nacional e europea relativa á compatibilidade co réxime de axudas de Estado e prevención do dobre financiamento, de acordo co previsto no artigo 7 da Orde HFP 1030/2021, do 29 de setembro., conforme ao previsto na cláusula 13 do presente convenio.

5. A incluír os datos e información que sexan pertinentes sobre as actuacións financiadas con fondos MRR e nos prazos que correspondan, no aplicativo que para ese efecto establecerá a administración competente.

6. A presentar unha declaración das axudas solicitadas ou recibidas para o mesmo obxecto ou concepto para que se solicitou esta subvención e se solicitou ou non, ou se recibiu ou non, algunha axuda de minimis e ao cumprimento das obrigas establecidas no artigo 11 da Lei 9/2007, do 13 de xuño.

7. Ademais, a entidade comprométese ao cumprimento das obrigas establecidas no artigo 11 da Lei 9/2007, do 13 de xuño.

A entidade autoriza á comunidade autónoma a obter de forma directa, para os efectos do presente convenio, a acreditación de que a entidade se atopa ao corrente nas súas obrigacións tributarias coa AEAT, coa facenda autonómica e coa Seguridade Social.

#### Cuarto. Control e verificación

Todas as axudas concedidas ao abeiro desta resolución estarán sometidas á función interventora e de control financeiro exercida pola Intervención Xeral da Comunidade Autónoma, nos termos que establece o título III da Lei 9/2007, do 13 de xuño, e a súa normativa de desenvolvemento e ás actuacións de comprobación previstas na lexislación do Tribunal de Contas e do Consello de Contas polo que as familias beneficiarias quedan obrigadas a facilitar toda a información que lle sexa requirida por estes no exercicio das súas funcións de fiscalización e control do destino das axudas.

#### Quinto. Reintegro das axudas

Conforme ao establecido no artigo 40.1.g) do Decreto 11/2009, do 8 de xaneiro, procederá o reintegro, total ou parcial, da axuda pública percibida no suposto de incumprimento das condicións establecidas para a súa concesión.

#### Sexto. Impugnación

Contra esta resolución, que pon fin á vía administrativa, poderase interpor recurso potestativo de resolución ante a dirección da Axencia de Turismo de Galicia, no prazo dun mes contado desde o día seguinte ao da súa notificación, ou ben directamente recurso contencioso-administrativo ante o Xulgado do contencioso-administrativo de Santiago de Compostela, no prazo de dous meses, nos termos previstos na Lei 29/1998, do 13 de xullo, reguladora da xurisdición contencioso-administrativa.

Santiago de Compostela, data da sinatura dixital

Anexo

Proxecto	Entidade beneficiaria	CIF	Duración (meses)	Importe total subvención

### ANEXO III

Modelos de declaración

A. Ausencia de conflito de interese

B. Cesión e tratamento de datos

C. Compromiso de cumprimento de principios transversais

D. Declaración responsable do cumprimento do principio de non causar dano significativo

A. Modelo de declaración de ausencia de conflito de intereses (DACI)

Expediente:

Contrato/subvención.

Ao obxecto de garantir a imparcialidade no procedemento de contratación/subvención arriba referenciado, o/os abaixo asinante/s, como participante/s no proceso de preparación e tramitación do expediente, declara/declaran:

Primeiro. Estar informado/s do seguinte:

1. Que o artigo 61.3 «Conflito de intereses», do Regulamento (UE, Euratom) 2018/1046 do Parlamento Europeo e do Consello, do 18 de xullo (Regulamento financeiro da UE) establece que «existirá conflito de intereses cando o exercicio imparcial e obxectivo das funcións véxase comprometido por razóns familiares, afectivas, de afinidade política ou nacional, de interese económico ou por calquera motivo directo ou indirecto de interese persoal.»

2. Que o artigo 64 «Loita contra a corrupción e prevención dos conflitos de intereses» da Lei 9/2017, do 8 de novembro, de contratos do sector público, ten o fin de evitar calquera distorsión da competencia e garantir a transparencia no procedemento e asegurar a igualdade de trato a todos os candidatos e licitadores.

3. Que o artigo 23 «Abstención», da Lei 40/2015, de 1 outubro, de réxime xurídico do sector público, establece que deberán absterse de intervir no procedemento «as autoridades e o persoal ao servizo das Administracións en quen se dea algunhas das circunstancias sinaladas no apartado seguinte», sendo estas:

a) Ter interese persoal no asunto de que se trate ou noutro en cuxa resolución puidese influír a daquel; ser administrador de sociedade ou entidade interesada, ou ter cuestión litixiosa pendente con algún interesado.

b) Ter un vínculo matrimonial ou situación de feito asimilable e o parentesco de consanguinidade dentro do cuarto grao ou de afinidade dentro do segundo, con calquera dos interesados, cos administradores de entidades ou sociedades interesadas e tamén cos asesores, representantes legais ou mandatarios que interveñan no procedemento, así como compartir despacho profesional ou estar asociado con estes para o asesoramento, a representación ou o mandato.

c) Ter amizade íntima ou inimidade manifesta con algunha das persoas mencionadas no apartado anterior.

d) Intervir como perito ou como testemuña no procedemento de que se trate.

e) Ter relación de servizo con persoa natural ou xurídica interesada directamente no asunto, ou prestarlle nos dous últimos anos servizos profesionais de calquera tipo e en calquera circunstancia ou lugar».

Segundo. Que non se atopa/n incurso/s en ningunha situación que poida cualificarse de conflito de intereses das indicadas no artigo 61.3 do Regulamento Financeiro da UE e que non concorre na súa/s persoa/s ningunha causa de abstención do artigo 23.2 da Lei 40/2015, do 1 de outubro, de réxime xurídico do sector público que poida afectar o procedemento de licitación/concesión.

Terceiro. Que se compromete/n a poñer en coñecemento do órgano de contratación/comisión de avaliación, sen dilación, calquera situación de conflito de intereses ou causa de abstención que dea ou puidese dar lugar ao devandito escenario.

Cuarto. Coñezo que, unha declaración de ausencia de conflito de intereses que se demostre que sexa falsa, carrexará as consecuencias disciplinarias/administrativas/xudiciais que estableza a normativa de aplicación.

(Data e firma, nome completo e DNI)

## B. Modelo de declaración de cesión e tratamento de datos en relación coa execución de actuacións do plan de recuperación, transformación e resiliencia (PRTR)

Don/Dona ....., DNI ....., como ..... da entidade  
....., con NIF ....., e domicilio fiscal en  
.....

.....beneficiari  
a de axudas financiadas con recursos provenientes do PRTR/ que participa como  
contratista/subcontratista no desenvolvemento de actuacións necesarias para a  
consecución dos obxectivos definidos no Compoñente XX «.....», declara coñecer  
a normativa que é de aplicación, en particular os seguintes apartados do artigo 22, do  
Regulamento (UE) 2021/241 do Parlamento Europeo e do Consello, do 12 de febreiro de 2021,  
polo que se establece o Mecanismo de Recuperación e Resiliencia:

1. A letra d) do apartado 2: «recabar, a efectos de auditoría e control do uso de fondos en  
relación coas medidas destinadas á execución de reformas e proxectos de investimento no  
marco do plan de recuperación e resiliencia, nun formato electrónico que permita realizar  
procuras e nunha base de datos única, as categorías harmonizadas de datos seguintes:

- i. O nome do perceptor final dos fondos;
- ii. o nome do contratista e do subcontratista, cando o perceptor final dos fondos sexa un  
poder adxudicador de conformidade co Dereito da Unión ou nacional en materia de  
contratación pública;
- iii. os nomes, apelidos e datas de nacemento dos titulares reais do perceptor dos fondos ou  
do contratista, segundo defínese no artigo 3, punto 6, da Directiva (UE) 2015/849 do  
Parlamento Europeo e do Consello;
- iv. unha lista de medidas para a execución de reformas e proxectos de investimento no  
marco do plan de recuperación e resiliencia, xunto co importe total do financiamento  
público de ditas medidas e que indique a contía dos fondos desembolsados no marco do  
Mecanismo e doutros fondos da Unión».

2. Apartado 3: «Os datos persoais mencionados no apartado 2, letra d), do presente artigo só serán tratados polos Estados membros e pola Comisión para os efectos e duración da correspondente auditoría da aprobación da xestión orzamentaria e dos procedementos de control relacionados coa utilización dos fondos relacionados coa aplicación dos acordos a que se refiren os artigos 15, apartado 2, e 23, apartado 1. No marco do procedemento de aprobación da xestión da Comisión, de conformidade co artigo 319 do TFUE, o Mecanismo estará suxeito á presentación de informes no marco da información financeira e de rendición de contas integrada a que se refire o artigo 247 do Regulamento Financeiro e, en particular, por separado, no informe anual de xestión e rendemento».

Conforme ao marco xurídico exposto, manifesta acceder á cesión e tratamento dos datos cos fins expresamente relacionados nos artigos citados.

....., XX de ..... de 202X

Asdo. ....

Cargo: .....

### C. Modelo declaración de compromiso en relación coa execución de actuacións do plan de recuperación, transformación e resiliencia ( PRTR)

Don/Dona ....., con DNI ....., como titular do órgano/ ...../  
da entidade ....., con NIF ....., e domicilio  
fiscal en .....

.....na

condición de órgano responsable/ órgano xestor/ beneficiaria de axudas financiadas con recursos provenientes do PRTR/ que participa como contratista/ente destinatario do encargo/ subcontratista, no desenvolvemento de actuacións necesarias para a consecución dos obxectivos definidos no Compoñente XX «.....», manifesta o compromiso da persoa/entidade que representa cos estándares máis esixentes en relación co cumprimento das normas xurídicas, éticas e morais, adoptando as medidas necesarias para previr e detectar a fraude, a corrupción e os conflitos de interese, comunicando no seu caso ás autoridades que proceda os incumprimentos observados.

Adicionalmente, atendendo ao contido do PRTR, comprométese a respectar os principios de economía circular e evitar impactos negativos significativos no medio ambiente («DNSH» polas súas siglas en inglés «do no significant harm») na execución das actuacións levadas a cabo no marco do devandito Plan, e manifesta que non incorre en dobre financiamento e que, no seu caso, non lle consta risco de incompatibilidade co réxime de axudas de Estado.

....., XX de ..... de 202X

Asdo. ....

Cargo: .....

D. Declaración responsable do cumprimento do principio de non causar dano significativo aos seis obxectivos ambientais no sentido do artigo 17 do regulamento (UE) 2020/852, do 18 de xuño (principio do no significant harm DNSH)

Información sobre a actuación no plan de recuperación

Identificación da actuación

Compoñente do PRTR ao que pertence a actividade

Compoñente 14. Modernización e competitividade do sector turístico

Medida (reforma ou investimento) do compoñente PRTR ao que pertence a actividade, indicando no seu caso, a submedida

Investimento 1: transformación do modelo turístico cara a sustentabilidade

Submedida 2: plans de sustentabilidade turística

Etiquetaxe climática e ambiental asignado á medida (reforma ou investimento) ou, no seu caso, á submedida do PRTR (anexo VI, regulamento 2021/241)

027 "apoio ás empresas que prestan servizos que contribúen á economía con baixas emisións de carbono e á resiliencia fronte ao cambio climático, incluídas as medidas de sensibilización", cunha contribución a obxectivos climáticos do 100%.

Datos da persoa solicitante

Nome/razón social

Primeiro apelido

Segundo apelido

Nif

E, na súa representación (deberá acreditarse a representación fidedigna por calquera medio válido en dereito)

Nome

Primeiro apelido

Segundo apelido

Nif

A persoa solicitante ou representante declara:

Que presentou solicitude á actuación arriba indicada para o proxecto denominado:

E este cumpre o seguinte:

A. As actividades que se desenvolven nel non ocasionan un prexuízo significativo aos seguintes obxectivos ambientais, segundo o artigo 17 do regulamento (UE) 2020/852 relativo ao establecemento de un marco para facilitar os investimentos sustentables mediante a implantación de un sistema de clasificación (ou «taxonomía») das actividades económicas medioambientalmente sustentables:

1. Mitigación do cambio climático.
2. Adaptación ao cambio climático.
3. Uso sustentable e protección de os recursos hídricos e mariños.
4. Economía circular, incluídos a prevención e a reciclaxe de residuos.
5. Prevención e control da contaminación a atmosfera, a auga ou o chan.
6. Protección e restauración da biodiversidade e os ecosistemas.

B. As actividades adecúanse, no seu caso, ás características e condicións fixadas para a medida e submedida do compoñente e reflectidas no plan de recuperación, transformación e resiliencia.

Destacando:

- 1.a redución do consumo de enerxía primaria non renovable.
2. A mellora da adaptación dos destinos turísticos e as empresas que as conforman ás estratexias de economía circular, a redución do consumo de recursos hídricos e a protección dos recursos naturais, en especial os mariños.
3. Diminuír a presión da actividade turística sobre o territorio sobre a base da sustentabilidade.

C. As actividades que se desenvolven no proxecto cumprirán a normativa ambiental vixente que resulte de aplicación.

Entre outras:

Directiva (UE) 2018/844 relativa á eficacia enerxética dos edificios

Lei 21/2013 de avaliación de impacto ambiental

D. As actividades que se desenvolven non están excluídas para o seu financiamento polo Plan conforme a Guía técnica sobre a aplicación do principio de «non causar un prexuízo significativo» en virtude do Regulamento relativo ao Mecanismo de recuperación e resiliencia (2021/C 58/01) 2 , á proposta de Decisión de execución do Consello relativa á aprobación da avaliación do Plan de recuperación e resiliencia de España e ao seu correspondente anexo.

Las actividades excluídas son:

1. Construción de refinerías de cru, centrais térmicas de carbón e proxectos que impliquen a extracción de petróleo ou gas natural, debido ao prexuízo ao obxectivo de mitigación do cambio climático.
2. Actividades relacionadas con os combustibles fósiles, incluída a súa utilización ulterior, excepto os proxectos relacionados coa xeración de electricidade e/ou calor utilizando gas natural, así como coa infraestrutura de transporte e distribución conexas, que cumpran as condicións establecidas no Anexo III da guía técnica da Comisión Europea.
3. Actividades e activos no marco do réxime de comercio de dereitos de emisión da UE (RCDE) en relación coas cales se prevexa que as emisións de gases de efecto invernadoiro que van provocar non se situarán por baixo dos parámetros de referencia pertinentes. Cando se prevexa que as emisións de gases de efecto invernadoiro provocadas pola actividade subvencionada non van ser significativamente inferiores aos parámetros de referencia, deberá facilitarse unha explicación motivada respecto diso.
4. Compensación dos custos indirectos do RCDE.
5. Actividades relacionadas con entulleiras de residuos e incineradoras, esta exclusión non se aplica ás accións en plantas dedicadas exclusivamente ao tratamento de residuos perigosos non reciclables, nin nas plantas existentes, cando as ditas accións teñan por obxecto aumentar a eficiencia enerxética, capturar os gases de escape para o seu almacenamento ou utilización, ou recuperar materiais das cinzas de incineración, sempre que tales accións non impliquen un aumento da capacidade de tratamento de residuos das

plantas ou a unha prolongación da súa vida útil; estes pormenores deberán xustificarse documentalmente para cada planta.

6. Actividades relacionadas con plantas de tratamento mecánico-biolóxico, esta exclusión non se aplica ás accións en plantas de tratamento mecánico-biolóxico existentes, cando as ditas accións teñan por obxecto aumentar a súa eficiencia enerxética ou o seu reacondicionamiento para operacións de reciclaxe de residuos separados, como a compostaxe e a dixestión anaerobia de biorresiduos, sempre que tales accións non impliquen un aumento da capacidade de tratamento de residuos das plantas ou unha prolongación da súa vida útil; estes pormenores deberán xustificarse documentalmente para cada planta.

7. Actividades nas que a eliminación a longo prazo de residuos poida causar danos ao medio ambiente.

E. As actividades que se desenvolven non causan efectos directos sobre o medio ambiente, nin efectos indirectos primarios en todo o seu ciclo de vida, entendendo como tales aqueles que puidesen materializarse tras a súa finalización, unha vez realizada a actividade.

O incumprimento dalgún dos requisitos establecidos na presente declaración dará lugar á obrigaón de devolver as cantidades percibidas e os intereses de demora correspondentes.

Sinatura da persoa solicitante ou representante

Lugar e data